

AWE Mainta

E DIFERENCIA DEN NOTICIA

PROME MINISTER A HACI UN RECORIDO RIBA E TERENO DI REFINERIA DI ARUBA



**GOBIERNO NO TIN ATENCION
PA RECUPERACION
ECONOMICO DI PUEBLO**

**MAESTRO DI SCOL
DETENI PA ABUSO
SEXUAL CU ALUMNO**

HULANDA
GABINETE DERECHISTA NA CAMINDA
PARTIDONAN TA YEGA NA UN
ACUERDO RIBA E FORMACION



Tired of **Manually** Processing Forms?

SCANSYS
vision on imaging

- Digital Processing of Purchase Invoices and more
- Seamless Integration with most Financial Software
- Complete Control of Authorizations via Workflows

VCC
International NV

This OCR software scans any kind of document and automatically fills the data in your preferred financial/ERP software!

TEL. 583-7072 | info@vcc-int.com | www.vcc-int.com

Gobierno no tin atencion pa recuperacion economico di pueblo

A celebra intensamente un surplus di 200 miyon florin, a celebra cantidad di otro asuntonan cu ta regarda interes di gobierno pero ningun momento ainda, Gabinete Wever Croes II, a bin dilanti y alivia e presion financiero grandi cu ta reina den tur cas aki na Aruba.

Tin gruponan cu ta bibando bon, tin gruponan cu ta bibando comodamente pero sin duda tin varios grupo cu ta bibando den situacionnan hopi exigente y dificil, domina pa un inflacion cu no tin fin di termina.

For di luna di November di e aña aki, Raad van Advies a publica su 'Jaarverslag 2023' caminda e ta atende diferente punto di interes general y esaki a tuma luga dia 2 di Februari pero tres luna despues, e reportahe aki no a wordo atendi pa gobierno y tampoco pa Parlamento.

A atende ley pa matrimonio di hendenan di mesun sexo, a sigura pueblo cu lo bin cu ley pa proteha cacho y bestia contra esunnan cu ta haci nan mes culpabel na esaki pero ningun caminda por a scucha sosten pa alivia esunnan cu ta bibando den un situacion hopi delicado y serio.

Parlamento ta activo cu reunion tras di reunion, cu strategia politico pa sirbi interes di partidonan politico den gobierno pero cantidad di asuntonan di interes general, no ta ser atendi pa Parlamento.

Recientemente por a scucha Parlamentarionan pidi pa un tipo di referendum p'asina pueblo dicidi riba e asunto di matrimonio di hendenan di mesun sexo, caminda hopi a muestra riba e derecho di ciudadanonan tin pa loke ta nan preferencia sexual.

A papia cu lo tin cu leynan nobo of trece cambionan den esunnan cu t'ey, pa haci posibel pa un persona cu maltrata un bestia cruelmente, por wordo castiga pa ley sin mas.

Sinembargo Gobierno actual di MEP y RAIZ, cu semper a insisti cu nan ta un gobierno cu ta traha pa pueblo y cu pueblo, simplemente no a cumpli cu e promesa aki di yuda esunnan den mas necesidad.

Rasad van Advies den su rapport publica na luna di Februari di e aña aki, a muestra algun punto sumamente interesante y cu ta rekeri atencion di mandatarionan cu ta muestra riba e situacion delicado cu pueblo ta confrontando:

“Naast de weerbaarheid van de economie staat ook de weer-



baarheid van huishoudens in Aruba onder druk. Er lijkt te weinig aandacht te zijn voor de bestaanszekerheid en financiële zelfredzaamheid van burgers, waarvan een groot deel niet in staat is om de juiste keuzes te maken of niet in een situatie verkeert om überhaupt keuzes te kunnen maken.

De groei van de economie lijkt niet in verhouding te staan tot de ontwikkeling van de financiële situatie van de mensen in het Land, en dan vooral degenen aan de onderkant van de samenleving.”

Den forma enfatico RAA ta muestra cu gobierno NO TIN INTERES pa atende cu e situacion financiero den casnan di famia na Aruba.

Na mes momento RAA a conclui cu e progreso economico cu e isla a conoci den 2023 y cu a sorprende hopi hende pero e progreso aki no a bati na porta di esunnan den mas necesidad financiero riba e isla.

Y te awe gobierno no a atende cu e situacion aki, caminda entre otro miles di pensionado a conoce hopi problema financiero cu a bin ta afectando nan bida diario y nan futuro. Crecemento economico cu Aruba a conoce, no ta cuadra cu e situacion financiero di pensionadonan of di esunnan cu tin entrada financiero limita.

Pero si gobierno y Parlamentario ta insisti pa atende cu cierto leynan cu n'e momentonan aki lo no nifica cambionan significativo cu lo drecha e situacion financiero den miles di cas na Aruba.

Maestro di scol deteni pa abuso sexual cu alumno

DESPUES cu dia 28 di April AWEMainta a publica un caso di abuso sexual cometi pa un maestro di scol contra di un alumno, autoridadnan lo a bay over na detencion recientemente di e sospechoso aki.

Den e publicacion menciona e medio aki no a haci mencion di nomber di e maestro y tampoco di e victima ya cu a duna espacio pa autoridadnan y tambe dirigentenan di scol, suspende temporalmente e maestro aki y pa no permiti mas studentenan ser expone n'e peligro cu e maestro aki tabata representa.

E acusacion mas serio ta di un hoben cu a wordo sexualmente abusa p'e maestro aki mas cu cinco aña atras pero for di fuenteenan fidedigno, AWEMainta a ser informa di e caso aki y a sigui busca informacion.

E caso a bin na atencion di autoridadnan ora cu e victima a regresa Aruba, despues di a ser someti na tratamento psicologico na Hulanda, caminda specialistanan a dicidi cu como parti di su tratamento y p'e supera e abuso aki, e victima mester entrega keho p'asina e por sigui dilanti cu su bida.

E victima a keda traumatiza p'e incidente aki y caminda entre otro AWEMainta a ser poni na altura cu el a pasa den situacionnan serio caminda entre otro e lo a trata di pone fin na su bida. El a regresa Aruba cu su famia pa inicia e proceso hudicial contra di su abusado loke porfin a bira e caso tambe.

Tambe tin indicacion cu e maestro aki lo a comete mas di e actonan aki contra otro alumnonan y e casonan aki tambe lo ta den proceso pa wordo investiga mientras cu porfin a dicidi di

suspende e maestro aki.

E nomber ta conoci pa AWEMainta pero den e tipo di casonan aki, tur aspecto ta sumamente delicado y tin cu spera e momento adecuado cu detencion ta oficial y cu e cargonan a wordo presenta, pa publica e informacion aki.

Ta di lamenta cu autoridadnan no a actua mesora, a spera den cierto forma pa haya tur informacion, confirma esakinan prome di por a bay over na detene e maestro aki pa evita cu e lo a dañá bida di mas muchanan.

For di luna di April AWEMainta tabatin informacion aki cu nomber di e maestro, e scol na unda e tabata traha y hasta su potret pa publica pero ta trata di casonan sumamente sensitivo caminda e aspecto mas importante, ta pa proteha e victima principalmente! Ta di spera cu Ministerio Publico atende cu e asunto aki rapidamente y cu husticia sirbi interes di e hoben cu su bida a wordo marca pa semper dor di e incidente aki.

NOTA REDACCION

Ta di lamenta c'un medio cu a publica e informe aki e siman aki, ta dicidi di cuestiona publicacion haci pa AWEMainta riba e caso serio aki, entre otro insinuando cu a publica algo sin informacion detaya, ya cu tur informacion tabata aden caba pero ta interes di esunnan involvi, principalmente di e victima, tabata na prome luga.

AWEMainta no ta considera e asunto aki un tipo di competencia pero for di momento cu a ricibi informe riba e caso serio aki, ya caba tur detaye tabata conoci pero como medio di comunicacion responsabel, ta actua segun eticanan periodistico!

Prome Minister a haci un recorrido riba e tereno di refineria di Aruba

DIARANSON mainta 15 di mei, Prome Minister Evelyn Wever-Croes a haci un recorrido riba e tereno di RDA (Refineria di Aruba) pa mira asina diferente aspectonan di e refineria y proyectonan cu ta wordo planifica door di DOW.

Un di e proyectonan ta un caretera cu a wordo proyecta ya un par di aña pasa. E caretera lo pasa a traves di e tereno di e refineria y yega n'e area di Colony, Baby Beach y Rodgers Beach y na Secrets Hotel mas lihe. Prome Minister diaranson mainta a haci un 'site visit' p'asina haya splicacion amplio di e Proyecto aki.

E mandatario a remarca cu tawata un mainta cu hopi informacion interesante. Por a mira tur e posibilidad y lo sigui traha y studia e proyecto aki y mira si tin necesidad di un caretera asina pa conecta e centro di San Nicolas mas lihe y mas efectivamente



cu e area turistico cu ta den desaroyo aworaki.

"Mi por bisa cu ta momentonan di melancolia ora pasa door di e refineria y wak con esaki a decai. Pero tambe esey ta muestra e historia di nos pais y awor nos mester concentra riba e futuro di Aruba. Mi ta gradici tur e profesionalnan pa nan tempo y pa tur e informacion cu nan a trece padilanti awe mainta", Prome Minister a expresa.

Gabinete derechista na caminda

Partidonan ta yega na un acuerdo riba e formacion



DEN HAAG - Despues di un dia largo di negociacion, e partidonan VVD, BBB, PVV y NSC a yega na un acuerdo riba formacion di un gabinete nobo. E acuerdo, ainda formula den un forma global, a wordo anuncia ayera nochi despues di un sesion maratonico di mas di diescincuenta ora.

E negociacionnan a cuminsa mainta trempan y, manera e dia tabata pasa, mas y mas detaye a sali na cla. E acuerdo ta inclui entre otro e establecimiento di un Corte Constitucional, un deseo cu NSC a carga pa hopi tempo. E tribunal aki lo pone e leyman contra e Constitucion na prueba, creando mas control y transparencia. Tambe e ta haci posibel pa huesnan revisa e Constitucion y propone leyman nobo, incluyendo un ley electoral nobo y un ley di denunciante 'klokkenluider-swet' revisa.

PVV tabata e prome cu a expresa su sosten p'e acuerdo, sigui pa BBB y eventualmente tambe pa NSC, tur unanimamente. E fraccion di VVD tabata e delaster pa duna su sosten, wardando practicamente delaster momento pa duna nan aceptacion.

Durante e negociacion, a resulta cu e partidonan a acorda pa no implementa e ley di dispersion pa asilo. Tambe ta considerando pa yama un "crisis di asilo".

E aspectonan financiero a ricibi hopi atencion durante e negociacion. Por ehempel, e 'eigen risico' obligatorio den cuido lo baha na mita, for di €385 na €192,50 pa aña. Esaki

tabata un punto importante pa PVV, cu anteriormente tabata boga pa aboli completamente e 'eigen risico' aki. E emisora publico NPO tampoco ta scapa di recorte, pero e recorte proponi di 100 milyon euro ta parece decepcionante compara cu expectativanan anterior.

E formacion no a bay sin reto. Por ehempel, e negociacion a tuma mas tempo cu a spera door di proposicion y demandanan nobo di tanto NSC como VVD. Tabatin discusion riba financiamiento y otro topiconan importante, pero na final ta parece cu a yega na un acuerdo.

E acuerdo principal di 25 pagina ta ser presenta awor n'e grupo politico di e partidonan interesa. Despues lo elabora e programa di gobierno den cual lo aproba e liñanan principal di maneho. No ta conoci ainda ken t'e candidato pa Prome Minister, maske tin rumor cu e por ta Ronald Plasterk.

E exito di e formacion aki ta crucial p'e partidonan, specialmente p'e lider di NSC, Pieter Omtzigt, kende anteriormente a expresa su dudanan riba cooperacion cu PVV. Den caso cu e formacion no surgi, NSC ta parece di t'e culpabel, segun un investigacion recien. Hopi votado lo prefera di mira un eleccion nobo c'un intento di Groen Links-PVDA.

Ta spera cu e formacion lo tarda algun siman mas prome cu e gabinete nobo por huramenta. Te n'e momento ey e partidonan involvi lo traha riba un acuerdo mas profundo y selecta e ministernan adecua.



TAKE OFF 3 + CASH BACK 3

TA BEK PA TEMPO LIMITA



Un chens pa bo gana te cu
10% Cash Back
riba e balor di bo auto nobo.

- Tur deal aproba y firma lo haya 1% Cash Back riba e balor di e auto nobo.
- Alabes lo participa pa gana 10% di e balor di e auto nobo cu un maximo di Afl.10,000.00.
- 10 premio mas di cada un Afl. 500.00 pa The Movies at GLORIA.
- Un pago mensual cu ta fit den bo presupuesto.
- Aprobacion den 24 ora si ta cumpli cu tur rekisito y condicion.

Pidi bo agencia di auto preferi pa e "Take Off+Cash Back" deal di CMB.

Pa cualkier pregunta of pa haci un calculacion por fabor tuma
contact cu nos via nos Live Chat di eAmigo.



SCAN Y PRE-APLICA

***Ganadornan lo wordo anuncia dia 30 di augustus, 2024**

Presta responsabel. E oferta aki (Take Off+Cash Back) ta valido te cu 26 di juli, 2024 y ta exclusivamente pa clientenan cu tin un record di pago satisfactorio segun exihencianan di Caribbean Mercantile Bank N.V. Clientenan cu aplica pa un prestamo personal pa financia un auto nobo ta bin na remarca pa un interes efectivo cu ta varia entre 7.14% p.a. y 6.32% p.a. pa sumanan entre minimo Afl. 50,000.00 te cu maximo Afl. 150,000.00 cu un termino pa paga bek di te cu 6 aña. Un cobranza pa seguro di bida di Afl. 10.00 pa cada luna, y un gasto di administracion di Afl. 15.00 pa cada luna lo wordo aña automaticamente na bo prestamo. E premio grandi (10% Cash Back) tin un maximo di Afl.10,000.00. Caribbean Mercantile Bank N.V. ta reserva e derecho di por cobra un boet riba prestamonan cu wordo cancela prome cu e tempo acorda. Den e caso di un periodo di preaviso por escrito di seis luna o menos: suma igual na 3 (tres) luna di interes, cu un minimo di Afl. 500.00 lo ta aplicabel. Tumando un periodo di preaviso di mas di seis luna: Afl. 500.00 lo ta aplicabel. Caribbean Mercantile Bank N.V. ta reserva e derecho di por cancela e promocion aki na cualkier instante. E relacion entre Caribbean Mercantile Bank N.V. y su clientenan ta wordo determina pa e Condicionnan General di Caribbean Mercantile Bank N.V.

Chat cu nos

cmbnv.com

f cmbnews @ cmbnv bobancoamigo



Mirrors Beauty Academy ta ofrece e siguiente serviccionan

Laba	Tinja	Makeup	Y mucho mas!
Corta	Highlights / Mechitas	Threading	
Blowdry	Ombre / Californiana	Barberia	
Keratina	Bayalage	Manicure	
Cold Wax	Peinado	Pedicure	

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

Na caminda pa eleccion 2025, e reto pa gana voto bou di Generacion Z



MIENTRAS Aruba ta preparando pa eleccion cual lo tuma luga e proximo aña, politiconan ta preparando pa loke ta priminti di bira un campaña hopi duro. E Ekipo di AWEMainta ta preparando pa trece pa nos lectornan un serie cu informacion tocante e perspectiva di diferente demografia y area di interes di votadonan y e efecto cu esaki por tin ariba e resultado di eleccion 2025.

AWEMainta ta cuminsa cu enfoke riba e generacion di votadonan mas hoben, Generacion Z, y e motibo pakico partidonan politico mester prepara strategianan con pa capta nan atencion y sigura nan voto.

Generacion Z, tipicamente defini como esnan naci entre mita di añanan 90 cuminsamento di añanan 2010, ta emergiendo como un forsa significativo den e configuracion di futuro di democracia riba e isla. Un característica cu ta defini Generacion Z ta su sentido fuerte di husticia social y activismo. Sinembargo, cu un compromiso profundo pa haci e diferencia den nan comunidad y mas leu, e personanan di Generacion Z no ta ansioso pa envolve nan mes den asuntonan politico, pero nan ta dispuesto pa contribui na un cambio positivo.

Sinembargo, Generacion Z ta enfrenta bareranan unico pa vota. Hopi hoben di Aruba ta desilusiona cu e institucionnan politico tradicional y ta sinti nan mes desconecta for di e

politica dominante. Organisacionnan y campañadonan ta probechando e poder di plataformanan di rednan social manera Instagram, Facebook, TikTok y Twitter (X)pa yega na votadonan hoben caminda nan ta y duna nan informacion tocante topiconan clave.

E vision diverso y inclusivo di Generacion Z tambe ta remodelando e panorama politico na Aruba. Temanan manera husticia, derechonan LGBTQ+ y cambio climatico ta na vanguardia di su agenda politico. Politiconan y partidonan cu ta priorisa e problemanan aki y realmente ta demostra un compromiso genuino pa trata cu nan ta mas probabel di gana apoyo di votadonan di Generacion Z. Sinembargo, mientras nos ta siña mas y mas di e asina yama ‘green washing’ y e daño di largo plaso cu e ta produci, si e generacion aki ta label bo partido como participativo na e practica di greenwashing, esaki por nifica bo fin den politica na Aruba den su perspectiva, no obstante bo uzo di medionan social.

Mientras cu eleccion ta yegando, e partidonan politico mester adapta nan mensahe y plataformanan pa resona cu votadonan di Generacion Z. Adresando nan preocupacionnan, interactuando cu nan riba rednan social y demostrando un compromiso genuino cu nan prioridadnan, e politiconan por spera di haya apoyo di e influyente bloke di votadonan aki y forma e futuro di politica na Aruba.

Reto den suministro di coriente na Aruba

Incompetencia of falta di mantencion?

NA Aruba, e reciente conferencia di prensa di NV Elmar a laga como evidencia un biaha mas e problemanan actual den e suministro di energia riba e isla. A pesar di e plannan anuncia p'e mantencion di e infraestructura electrico y e inversionnan destina pa su mantencion, Aruba a sufri interrupcion den e suministro di coriente durante varios dia, sin conta siman. Y net despues di e conferencia di prensa di Elmar, tabatin varios interrupcion di coriente cu sigur a laga pueblo disgusta.

Ya for di diamars atardi, Elmar a emiti un comunicado informando riba un problema di e distribucion di energia den area manera Sero Blanco, Sero Patrishi, Tanki Leendert y vecindario. A pesar di e esfuersonan pa resolve e situacion, hopi area a sigui sin coriente durante varios ora, afectando e comunidad y generando preocupacion cerca e habitantenan.

Mas anochi tambe a reporta otro interrupcion di coriente den un area significativo cu ta inclui Balashi, Oranjestad y vecindario. E biaha aki e problema a wordo atribui na un corto circuito den un di e transformernan di Elmar, loke a provoca un biaha mas e falta di coriente den varios area di e isla.

Sin lubida diaranson mainta, cu algun bario a lanta sin coriente, poniendo mas cherry riba e bolo cu yama Elmar.

Te aworaki, na ciere di nos edicion, a registra por lo menos 17 caso di interrupcion di coriente, desde dia 26 di april, sin descarta cu lo por bin mas.

Fuera di e interrupcionnan aki, a anuncia trabao di mantencion na San Nicolas, loke inevitablemente lo resulta den mas cortamento di coriente den diferente bario. Ta importante señala cu e interrupcionnan aki no ta necesariamente relaciona cu blaas di helium menciona ya caba den publicacionnan anterior y tambe durante e conferencia di prensa, sino cu ta muestra interrogante riba e incompetencia of e falta di



fondo pa mantencion adecuado di e red di coriente na Aruba.

Gobierno, como accionista mayoritario di NV Elmar, tin e responsabilidad di atende e problemanan di manera efectivo y garantiza un suministro di energia confiabel pa tur e ciudadanonan

Ta ora pa tanto Elmar como gobierno asumi nan responsabilidad y tuma e medidanan concreto pa mehora e infraestructura electrico di e isla. E inversion den modernisacion y mantencion adecuada ta esencial pa evita interrupcion constante den e suministro di energia y garantiza e calidad di bida di e ciudadanonan. No ta trata di solamente di educacion of infraestructura, sino di un servicio basico vital p'e bienestar di tur.

START YOUR DAY IN PARADISE

25% off for locals

laguna

**OPEN DAILY
7 – 11 AM**

For reservations +297-526-6612

Extensive Buffet
Air-Conditioned Dining
Your Favorite Breakfast Classics
Wake-Up Cocktails
Outdoor Terrace Dining
A La Carte Breakfast Specialties

Hilton
ARUBA CARIBBEAN
RESORT & CASINO

DI TODO UN POCO PA REFLEXIONA

DIA 3 mei a ser proclama como Dia Mundial di Libertad di Prensa na 1993 pa Asamblea General di Nacionnan Uni, siguiendo un recomendacion di e Conferencia General di UNESCO. Cu tur respet p'esaki, pero Aruba y demas islanan di ex-Antiyas tin nan propio celebracion di Dia di Prensa cu ta dia 1 di September, proclama na 1973.

LOKE sigur ta aplicabel ta articulo 19 di e Declaracion Universal di Derechonan Humano, cu tambe ta valido e.o pa Aruba. E libertad di expresion ta un derecho fundamental: *"Tur individuo tin e derecho di libertad di opinion y expresion; E derecho ta inclui e derechonan di no ser molestia a causa di bo opinion, investiga y ricibi informacion y opinion, y e difusion di esakinan sin limitacion di frontera, y mediante cualkier medio di expresion"*.

TENIENDO e derecho aki na cuenta, Dia Mundial di Libertad di Prensa ta un oportunidad pa recorda e Gobiernonan cu ta necesario respeta libertad di expresion y pa refleha riba e problemanan di libertad di prensa y e etica profesional.

E ta un oportunidad pa:

1. Celebra e principionan fundamental di libertad di prensa.
2. Evalua e situacion di libertad di prensa na mundo.
3. Defende e medionan di comunicacion contra atentado riba nan independencia.
4. Rindi homenahe na periodista cu a perde nan bida cumpliendo cu nan deber.

DIADOMINGO ultimo tabata Dia di Mama. Un dia pa conmemora, sea bo mama ta na bida of ta den shelo. Pero manera tur otro dianan, ta un dia comercial, unda tin masha cumpramento di regalo y otronan ta bay come. Loke si tabata masha remarcabel tabata un Caya Grandi, Nasaustaat of awe yama Caya Betico Croes ta manera un desierto. Si den pasado, Caya Grandi riba vispera di Dia di Mama tabata yen yen di hende, e biahe aki por a mira con bashi e tabata. Caya Betico Croes ta muriendo. No tin ningun actividad mas pa Dia di Mama.

PLANTANAN saludabel ta constitui e fundeshi pa tur bida riba planeta Tera y alabes pa tur funcion di ecosistema, siguridad alimentario y nutricion, Salud di planta ta esencial pa e desarojo sostenibel di agricultura rekeri pa cumpli cu e demanda pa alimenta un poblacion mundial creciente pa 2050. Dia 12 di

Mei a conmemora Dia di Planta. Planta ta representa bida: Nan ta provee 80% di tur alimento cu nos ta come y ta genera 98% di e oxigeno cu nos ta respira.

DIA 6 December 1951 a firma e Tratado Internacional pa Proteccion di Planta (International Plant Protection Convention-IPPC) y e tratado aki a introduci norma (standard) internacional pa medidanan fitosanitario (International Standards for Phytosanitary Measures-ISPMs) pa aplicacion den comercio internacional pa yuda preveni introduccion y propagacion di plaganan di planta atraves di fronteranan.

Dia 20 December 2018 Asamblea General di Nacionnan Uni a adopta resolucion A/RES/73/252 proclamando 2020 como Aña Internacional di Salud di Planta y riba 29 Maart 2022 a adopta resolucion A/RES/76/256 designando 12 mei como Dia Internacional di Salud di Planta.

RELACIONA cu e cantidad di interrupcion den distribucion di coriente, NV Elmar a yama un conferencia di prensa pa splica pueblo kico ta pasando. Un cos tabata sigur, ora cu Director Anthony Irausquin a acepta cu hopi di esaki ta debi na falta di mantenimiento. Despues a ser duna splicacion di e baymento di coriente den ultimo 19 dianan pa 19 biaha.

Gerencia di NV Elmar a cuminsa a splica con e blaasnan di helium ta ocasiona storing. Pero e blaasnan aki ta pega den e parti di tension haltu. Hopi hende ta puntra con ta posibel cu e blaas ta ocasiona esey.. A splica cu door di e paden di e blaas ta aluminium, e ta conduci coriente y ora e bay pega den e wayanan, ta ocasiona storing. E otro biahenan ta debi autonan cu ta dal pal'i luz.

ORA cu Marco Espinoza a puntra Irausquin si e por bisa ki ora y na unda coriente lo bay awe nochi, Irausquin tabata masha fresco y onbeschoft di contesta: "Na bo cas".

Y coriente a bay e anochi ey atrobe. Pueblo ta pidi pa cabes mester lora. Un cos ta sigur cu Anthony Irausquin sa cu su cabes lo wordo bula y pronto. E sigur no t domina e arte di e trabao cu e tin. Bay e lo tin cu bay y pronto.

Y politicamente Minister Glenbert Croes lo sinti'e tambe den proximo eleccion. E lo bay atras sigur den voto, no solamente pa su maneho di e companianan di utilidad, pero pa su cantidad di mentiranan cu el a haci, pa cual pueblo no tin confianza mas den su persona.

MIENTRAS Corte di Apelacion na Aruba ta masha ocupa cu Caso Avestruz, na Corsou tambe tin caso interesante. Ayera Ministerio Publico a hiba Emsley D. Tromp, e ex Presidente di Banco Central kende ta consehero di Minister Sylvania, y un ex trahado di Banco Central Renny Lourents, dilanti mesa berde pa soborno, corrupcion y labamento di placa. Emsley Tromp a ricibi placa di soborno como Presidente di Banco Central y a uza Lourents pa laba e placa via su negoshi na Hotel Renaissance den Otrabanda. E caso ta uno hopi serio pa Minister Sylvania kende no obstante e caso, a sigui mantene Tromp como su consehero.

KEDANDO den Corte t'asina cu Endy Croes, actual Minister den Gabinete Wever Croes 2, a dicidi di entama un caso hudicial contra di Patrick Paskel y Nelson "Speed" Andrade di Headline Group pa rectificacion, cu e no a enrikece su famia, mientras e tabata Director di Fundacion Lotto pa Deporte. Un caso hudicial cu a tuma luga caba den pasado. Pero Endy Croes ta insisti y ta demanda pa un rectificacion. Nada contra, pero esaki no por core como gasto di placa di pueblo. Ta di spera cu Minister Endy Croes paga pe caso aki for di su propio saco.

A pesar di tur alarma cu ta ser bati, abuso sexual di menor di edad ta sigui. Acaso e abusadornan ta kere cu nunca nan ta ser gara? Awor tin un denuncia casi contra di un maestro cu ta duna gym na un Scol na Savaneta. E homber aki no ta tuma nota kico ta pasando den comunidad? Of nos Huesnan ta mucho suave den nan sentencia? Evelyn Wever Croes den campaña a laga sa cu e lo sa di haci cambio di ley den minimo di tempo. Pero nada no a cambia ainda. Si nos politiconan mes no por drecha ley y/of cambia ley, pueblo lo sa di tuma ley den su propio man.

AWENDIA no tin persecucion mas di trahadonan ilegal, pasobra e ta laga un mal propaganda atras. Un trabao cu Guarda Nos Costa tabata haci. E tempo ey bao di direccion di Comisario Trudy Hasell, kende ta manera perdi, cobrando placa, sin traha. Consecuencia di e controlnan aki, por mira e.o. abuso contra clase trahado, pa cual ningun sindicato ta sali tampoco na nan defensa. Mira loke pasa cu trahadonan na St. Regis cu ta den termina construccion y sin ningun clase di previo aviso ta ser manda cas. Minister di Trabao Glenbert Croes tin falta den esaki, pasobra e ta kere di por gana voto. Voto di ken? Of ta haya placa pa su campaña di e compania di construccion? No por!! Y asina tin mas compania cu ta sigui haci abuso di e clase trahado cu consentimiento di Gobierno.



CARIBBEAN CINEMAS
VIP
A PREMIUM EXPERIENCE

Caribbean Cinemas
PASEO HERENCIA

COMFORT, FOOD AND COCKTAILS

FOR SHOWTIMES AND ONLINE TICKETING:
WWW.CARIBBEANCINEMAS.COM

☎ **787-999-3292**

📷 @caribbeancinemasaruba

📺 Caribbean Cinemas Aruba

DOWNLOAD OUR APP

GET IT ON Google Play

Download on the App Store

Minister Dangui Oduber

Bishita di PAHO tawata uno exitoso



AYERA mainta Minister Dangui Oduber, hunto cu un team di ministerio di Salud Publico y Departamento di Salud Publico (DVG) tawata tin e honor pa ricibi un delegacion di Pan American Health Organization (PAHO). E delegacion a consisti pa dr. Vivas hunto cu su coleganan dr. Haris y sra. Taylor. Nan ta forma parti di e representantenan pa Aruba den World Health Organization (WHO).

E bishita di PAHO tawata entre otro pa Dr. Vivas presenta su credencialnan oficialmente na Aruba su Minister di Salud Publico. Tambe a tuma oportunidad pa papia ariba diferente topiconan cu ta toca salud na Aruba.

A elabora ariba Aruba

- Plan nacional contra malesanan cronico. (NCD)
- Posibilidad pa digitalisa e sector di cuido.
- Diferente maneho y programa tumando luga ariba e problematica di obesidad na Aruba, pa asina evita problemanan cu ta bin door di malesanan cronico.

PAHO a mostra hopi interes tambe pa e legislacion cu Ministerio di Salud ta trahando ariba dje cu e meta pa reenforsa e sistema di sector di cuido pa cu si tin pandemia den futuro.

Pa hopi aña largo (DVG) y Ministerio di Salud Publico ta trahando hopi di cerca cu PAHO. Na aña 2023 Aruba a tene un encuesta cu a yama STEPS2023, cual tawata un investigacion pa haya sa e estado di salud di nos comunidad. Diabierna awo, e resultadonan di e encuesta aki lo wordo



presenta oficialmente den PAHO su presencia.

Minister Oduber a tuma e oportunidad tambe pa informa Dr. Vivas di tur e exitonan cu Ministerio di Salud y tambe tur stakeholders den sector di cuido ta logrando den e ultimo añanan aki encunto prevencion den salud. No por a keda sin menciona e exito di Healthy Lifestyle Center cual ta e centro pa yuda y guia comunidad di Aruba pa cambia nan estilo di bida pa uno saludabel. Ya caba tin 2 di e centronan aki cu ta yudando mas cu 500 cliente.

PAHO a confirma di sostene Aruba den tur programa cu tin de haber cu prevencion den salud. Dr. Vivas a keda masha impresiona cu Aruba su progreso trahando ariba prevencion den salud.



NOW PLAYING



IF

After discovering she can see everyone's imaginary friends, a girl embarks on a magical adventure to reconnect forgotten IFs with their kids.



THE STRANGERS CHAPTER 1

After their car breaks down in an eerie small town, a young couple is forced to spend the night in a remote cabin. Panic ensues as they are terrorized by three masked strangers who strike with no mercy and seemingly no motive.



TAROT

Friends unwittingly unleash an unspeakable evil trapped within a cursed deck of tarot cards. One by one, they come face to face with fate, racing against death to escape the future foretold in their readings.



KINGDOM OF THE PLANET OF THE APES

Many years after the reign of Caesar, a young ape goes on a journey that will lead him to question everything he's been taught about the past and make choices that will define a future for apes and humans alike.

For Showtimes and online ticketing: www.caribbeancinemas.com

Prome Minister di Slovakia Robert Fico den estado critico despues di intento di asesinato



Foto: Reuters

PROME Minister di Slovakia, Robert Fico, ta luchando pa su vida despues di un intento di asesinato selectivo despues di un reunion di gobierno na Handlova. E agresor a tira Fico varios biaha, lagando e den un estado critico. Fico a wordo transporta rapidamente pa un hospital local prome cu ela wordo transporta via avion pa un centro importante di traumatologia na Banska Bystrica, unda e ta ricibiendo atencion medico urgente.

Agentenan a detene e presunto autor di e tironan na e sitio, segun reportahe di e agencia di noticia estatal TASR di Slovakia. E motibo tras di e atake ta bou di investigacion, aunke e evaluacionnan inicial ta sugeri cu tabata un acto delibera y premedita.

Presidente Zuzana Čaputová a condena e asalto rapidamente y a describi esaki como “brutal y imprudente.” Expresando conmocion pa e incidente, Čaputová a expresa su deseonan mas sincero pa un recuperacion rapido y completo di Fico.

Fico, un politico experto, a logra su di tres mandato como prome minister na october ultimo despues di un campaña cu a hala atencion pa su critica di apoyo occidental na Ucrania.

Prometiendo di para e ayudo militar Slovaco na Ucrania y blokiando su aspiracionnan den NATO, Fico su postura

tabata refleha su aliniacion cu e interesnan di Kremlin. Su simpatia pa presidente Ruso Vladimir Putin tabata evidente, y Fico hopi biaha ta echo e narrativa di Putin riba Ucrania. Durante su carera político, Fico a mantene un aliansa estrecho cu e prome Minister di Hungaria, Viktor Orban, particularmente den su scepticismo compartí cu Union Europeo. E camaraderia politico aki a pone Fico den desacuerdo cu e maneho di UE, cu elogio y critica na nivel nacional y internacional.

E mandato anterior di Fico como prome minister no tabata exento di controversia, specialmente marca pa protestanan masivo despues di asesinato di periodista investigativo Jan Kuciak y su prometida, Martina Kušnírová. E reportahenan di Kuciak a expone e corrupcion den e circulonan elite di Slovakia, cu a provoca indignacion publico y demanda di rendimento di cuenta.

E lidernan Europeo, incluyendo Presidente di e Comision Europeo, Ursula von der Leyen, y e Prome Minister Hungaro, Viktor Orban, a uni pa condena e atake riba Fico. Nan a expresa solidaridad cu Slovakia y a ofrece oracion pa recuperacion di Fico, denunciando violencia como antitetica na principionan democratico. E incidente a conmociona Slovakia y comunidad Europeo en general, destacando e fragilidad di e estabilidad politico den e region.

Dos oficial morto:

Persecucion masivo despues di asalto riba van di detenido Frances



UN asalto premedita riba un van di transporte di detenido cerca di Rouen, Normandia, a resulta den morto di dos funcionario di prizon Frances, cu a provoca un persecucion masivo den e region.

E incidente a sosode ora cu e prizonero Mohamed Amra, tambe conoci como “The Fly”, tabata ser transporta for di corte pa un instalacion penitencia. Un auto a dal den e camion di transporte di prizon, sigui pa hombernan arma cu a tira riba e oficialnan di prizon. Dos oficial a muri den e atake, mientras cu dos otro a sufri heridonan critico.

Den respuesta na e atake, presidente Frances Emmanuel Macron a sigura e publico cu ta haciendo tur esfuerso pa localisa e autornan.

Fiscalnan a identifica e recluso fugitivo como Mohamed Amra, naci na 1994, kende a wordo condena pa robo y a enfrenta cargonan relaciona cu un secuestro cu a resulta den morto.

Amra, supuestamente asocia cu un banda na Marseille, tabata ser transporta bek pa prizon na Évreux despues di un audiencia hudicial na Rouen ora e asalto a tuma luga.

E asaltantenan, cu arma pisa, a huy for di e sitio den un vehiculo, cu autoridadnan a recupera cerca di e localidad na unda e atake a tuma luga.

Un presencia policial masivo, incluyendo centenares di oficialnan, a wordo desplega pa haci un buskeda intensivo. Bloqueo di caminda a wordo estableci den henter noordwest di Francia, y cu oficialnan siguiendo tur pista.

Minister di Husticia Frances, Eric Dupond-Moretti, a confirma e morto di dos oficialnan, enfatisando e impacto devastador riba nan famia. El a priminti esfuersonan exhaustivo pa hiba e autornan dilanti husticia, denunciando e autornan como individuonan cu ta ignora e balor di bida humano.

E atake ta enfatisa e peligernan cu e personal encarga cu ehecuta ley ta enfrenta como tambe e retonan continuo pa mantene siguridad memey di actividadnan criminal.

Mientras e persecucion ta intensifica, autoridadnan ta enfoca riba detene esnan responsabel y garantiza husticia pa e oficialnan y nan famianan.

APPAREL

BOAT ACCESSORIES

TOD-MAR

f TodomarAruba @TodomarAruba TodomarAruba +297 585 0555

FISHING TACKLE

FIBERGLASS PRODUCTS

Eleccion na Republica Dominicana:

Candidatonan, temanan clave y proceso di votacion

REPUBLICA Dominicana ta preparando pa su eleccion general, programa pa 19 di mei, cu lo riguarda tanto e eleccion presidencial como e eleccion legislativo. E actual presidente Luis Abinader, cu ta competi pa un di dos mandato consecutivo, ta surgi como e favorito den e encuestanan. E campaña a keda domina pa discusionnan riba e respuesta di e pais na e crisis sin precedente na Haiti y preocupacionnan riba desigualdad social, a pesar di e status di e nacion como lider economico regional.

E Hunta Electoral Central (JCE) di Republica Dominicana a informa cu mas di 8.1 milyon persona ta eligibel pa vota, incluyendo mas di 868,785 votado registra cu ta biba den exterior.

Presidente Luis Abinader, cu ta busca reeleccion, ta enfrenta competencia di otro ocho candidato cu ta representa varios partido politico. E principal contendientenan ta inclui ex presidente Leonel Fernández y ex-alcalde Abel Martínez, tres candidato cu ta muestra posibilidad realistico pa tuma e presidencia, segun encuestanan.

E dia di eleccion, e votadonan no solamente lo selecciona e



siguiente presidente, pero tambe lo eligi e miembronan di Congreso Nacional, forma door di 190 diputado y 32 senador. E proceso di votacion ta uza un sistema di dos turno pa e carera presidencial, cu un segundo turno programa pa 30 di juni si ningun candidato obtene mas di 50% di e votonan. Entretanto, e senadornan y e diputadonan ta wordo scogi door di un sistema di voto mayoritario.

Ta bon pa menciona cu e poblacion Dominicano di Puerto Rico por tin un influencia significativo riba e resultado di e eleccion, ya cu e isla ta alberga casi 10% di e expatriadonan Dominicano.

E candidatura di presidente Abinader pa reeleccion ta marca un momento historico, ya cu e ta bira e prome lider Dominicano naci despues di e dictadura di Rafael Leónidas Trujillo (1930-1961). Ademas, e campaña a testigua di e prome debate presidencial di e pais, cu Abinader participando como titular den buskeda di reeleccion.

E campaña electoral a keda caracteriza pa discusion cu ta trata tres tema principal: e crisis Haitiano y su implicacion migratorio, preocupacionnan tocante e aumento di inseguridad y e panorama economico di e nacion.

Mientras Cu Republica Dominicana ta prepara pa su proximo eleccion, e resultado sin duda lo forma e trayectoria di e pais, impactando no solamente su maneho interno sino tambe su posicion regional.



Bin bishita nos y probecha!
Paña di bon calidad na bon prijs.

Adres: Avenida Milio J. Croes 47 local 3
Telefon: 5646733 - 5653466
E-mail: info@carlymar.com

Encuesta ta revela:

Votadonan Hulandes tin mas confiansa den EU cu den Parlamento Hulandes



DEN un encuesta recién organisa pa CBS, ciudadanonan Hulandes a demostra un preferencia notabel pa Union Europeo riba nan propio Parlamento nacional, aunke e confiansa general den e dos institucionnan ta mustra di ta cayendo.

Segun e encuesta anual, cu a tuma luga año pasa, mas o menos 47,1% di e personanan di 15 año of mas a expresa confiansa den Union Europeo, mientras cu solamente 29% tabata confia den e Tweede Kamer di Parlamento Hulandes. E cifranan aki ta un tiki mas abou cu na 2022, ora cu 48,7% tabata confia den UE y 30,4% den Parlamento nacional.

E bahada den e confiansa aki ta nifica un cambio significativo, ya cu ta e prome biaha desde e inicio di e encuesta na 2012 cu menos di tres di cada 10 persona a expresa confiansa den parlamento Hulandes. Ademas, e confiansa den e politiconan ta keda alarmantemente abou, manteniendo estable na 23,8%, consistente na e nivelnan observa año pasa.

E encuesta tambe a evalua e confiansa den varios otro institucion, y e huesnan a surgi como esnan mas confiabel, apoya pa un impresionante 77.5% di e encuestadonan. Siguiendo di cerca tabata polis, sector di salud y servicio militar.

Na contraste, politiconan y parlamento a ricibi e graduacion di confiansa mas abou, cu iglesianan, empresanan grandi y prensa marginalmente dilanti di nan den percepcion publico.

En particular, Union Europeo a logra constantemente

nivelnan mas halto di confiansa compara cu Parlamento Hulandes den ultimo añanan, cu excepcion di 2016, coincidiendo cu e referendum di Brexit, y na 2020, den medio di e retonan cu e pandemia a trece cu ne. E confiansa den UE a yega na su punto mas halto e siguiente año, cu 53,4% di e encuestadonan expresando confiansa.

E sosten pa parlamento nacional tabata particularmente fuerte entre e residentenan di Amsterdam, Den Haag y Utrecht, mientras cu e confiansa den Union Europeo tambe tabata notablemente halto na Groningen, Arnhem y Nijmegen.

E resultadonan di e encuesta ta enfatisa e desaroyo di e actitudnan pa gobernacion y e institucionnan den Holanda, indicando un preferencia creciente pa entidadnan supranacional manera UE riba e structuranan nacional tradicional.

Violet Spa

Servicios a Domicilio

- Masajes Anti-Estress y Relajantes
- Masajes Terapéuticos
- Reflexología Podal
- Detox Lónico

Masaje Reductor

Masajes reductores contiene:

- Aparatología Combinada
- Manta Térmica
- Maderoterapia
- Drenaje Linfático

Moldeo de Figura

con cierre de costilla y reloj de arena

+297-740-5235

Ubicación bajo demanda

BEAUTY & SPA

Venezuela ta reforsa presencia militar na frontera cu Guyana

MIENTRAS e tensionnan ta baha cerca di e frontera entre Venezuela y Guyana, un informe recién di Centro di Estudio Estratégico y Internacional (CSIS) ta ilustra e acumulacion militar di Venezuela den e region. E informe, ta destaca e postura cada bes mas asertivo di presidente Nicolás Maduro, cu ta genera preocupacion p'e posibel anexion di un pida territorio Guyanese rico den recurso.

A pesar di e avancen limitá y e riesgonan considerabel asocia cu un conflicto directo, Venezuela ta parece di ta empeña den loke e informe ta describi como un “wega peligroso”, perpetuando un estado di mas preparacion militar den e region discuti di Esequibo. E militarisation aki, hunto cu e retorica nacionalista, ta alimentando un sensacion di tension perpetual prome cu guerra, segun e analisis.

E escala ta bin despues di un referendum controversial Venezolano di aña pasa, cual Guyana a condena como un paso pa anexion, mustrandó temor pa un conflicto arma. A pesar di e proposicionnan diplomatico entre e dos nacionnan, e infraestructura militar di Venezuela cerca di e frontera ta sigui expande, cu desaroyonan observa n'e base militar di Isla Anacoco. E imagennan satélite ta revela e construccion cu ta tumando luga, incluyendo e expansion di un base militar aereo y e presencia di un contingente militar significativo.

Particularmente preocupante t'e recién observacionnan di botonan di misil



Foto: netivist.org

construi pa Iran n'e stacion di guarda costa di Venezuela, strategicamente localisa cerca di e frontera cu Guyana. E proximidad aki ta enfatisa e potencial di accion militar rapido, aumentando e ansiedad entre e aliadonan di Guyana. Den respuesta, Merca recientemente a demostra su sosten pa siguridad di Guyana door di haci un 'flyover' riba e capital, Georgetown.

E menasa inminente ta trece un reto significativo pa Guyana, un nacion cu reserva di petroleo grandi pero capacidadnan militar limita. Cu un ehercito di menos cu 5.000 soldaat, Guyana ta mal ekipa pa enfrenta un posibel agresion Venezolano. Analisadonan ta specula cu e postura agresivo di Maduro por sirbi como un distraccion di retonan interno, incluyendo problemanan economico y disturbio politico.

Mientras Venezuela ta preparando p'e proximo eleccion, tin temor cu Maduro por intensifica ainda mas e tensionnan pa reforsa su posicion politico. CSIS ta adverti di e repercusionnan peligroso di tal retorica, advertiendo cu Maduro ta core riesgo di keda atrapa den su propio fervor nacionalista, loke por causa un crisis regional.

Den luz di e eventonan aki, e estabilidad regional ta colgando na un hilo, y e spectrum di e conflicto ta trece sombra riba e ambicionnan territorial polemico di Venezuela.

MENSAHE DI DIA
16 mei, 2024

Mi ta aprecia mi historia,
mi proceso y loke mi ta biba awe.
Mi sa cu tras di tur cos
tin un plan perfecto pa mi.
Mi ta risibi esaki cu amor

Y MI TA BENDICIONA ESAKI

e Poder
den Mi

📷 📺 e Poder den Mi



DEPORTE

deporte@awemainta.com

Kirk Cousins ta reacciona riba decision di Falcons pa selecciona Michael Penix Jr.

E seleccion di Michael Penix Jr. door di Atlanta Falcons como e di ocho seleccion general den e 2024 NFL draft a provoca discusion tocante futuro di e ekipo y su implicacion pa quarterback Kirk Cousins. Cousins, cu recientemente a firma un contracto lucrativo cu Falcons, ta den un situacion unico danki na e decision di e frankisia pa recrutar un posibel sucesor.

Mientras cu no ta straño cu teamnan ta planea pa futuro reclutando posibel reemplaso, e momento di e movicion di Atlanta ta lanta duda.

A pesar di a inverti 180 miyon den Cousins pa lidera e ekipo, Falcons a opta pa recluta Penix Jr., sugiriendo un enfoke contradictorio pa e formacion di nan lista. Mirando e improbabilidad pa Penix Jr. contribui significativamente durante varios aña, e decision por wordo mira como un obstaculo potencial pa e exito inmediato di e ekipo.

Inicialmente a sugeri decepcion di parti di Cousins pa cu e seleccion di e draft. Sinembargo, despues el a acerca Penix Jr. pa expresa su entusiasmo pa traha hunto. Enfrentando e situacion publicamente pa prome biaha den e podcast "Bussin' With the Boys", Cousins a enfatisa su compromiso di ta



un compañero di ekipo solidario.

Ora a puntr'e tocante posibel sentimentonan negativo pa cu e decision di Penix Jr., Cousins a contesta: "No, mi no ta kere cu por tin... Nos ta purbando di gana un Super Bowl cu ya ta bastante dificil. Laga nos tur ta riba e mesun liña y ban purba gana un Super bowl."

Cousins su perspectiva positivo no ta sorprende esnan cu ta familiar cu su carera y comportacion. Conoci pa su perspectiva optimista, Cousins a demostra e capacidad pa haya aspeccionan positivo den situacionnan desafi-

ante. Mientras cu su actitud no por cambia e ramificacionnan di e decision di Falcons, e ta enfatisa su dedicacion na e exito di e team.

A pesar di e incertidumbre rond di e eleccion di draft, Cousins ta keda enfoca riba e tarea en cuestion: persigui un victoria den Super Bowl cu Atlanta Falcons.

Mientras cu e consecucionan di e seleccion di Penix Jr. por persisti, Cousins su compromiso cu su ekipo y su positivismo incoherente ta duna tranquilidad na fanaticonan di Falcons.

Erling Haaland ta hiba Manchester City na victoria contra Tottenham

MANCHESTER City a tuma un paso significativo den direccion di e titulo di Premier League cu un victoria crucial di 2-0 riba Tottenham Hotspur, cortesía di un doblete di Erling Haaland.

Den un encuentro crucial na Tottenham Hotspur Stadium, Haaland a demostra di ta esun cu a marca e diferencia, ya cu su dos golnan a impulsa Manchester City dos punto tras di Arsenal, e di dos clasifica, cu solamente un wega restante den e temporada.

E partido a cuminsa cu un ambiente modera, pero Manchester City a tuma control despues di e interupcion ora Haaland a probecha di un cruce di Kevin De Bruyne pa kibra e empate.

Tottenham a contra ataca, cu e portero suplente Stefan Ortega interceptando tironan crucial strobando Dejan Kulusevski y Heung-Min Son despues di a reemplasa Ederson pa motibo di lesion. Sinembargo, Haaland a frustra nan speranza di revancha despues cu Jeremy Doku a ricibi un falta di Pedro Porro.

E victoria a marca e di ocho victoria consecutivo di Manchester City den Premier League, poniendo nan na e rand di un di cuater titulo consecutivo bou di mando di Pep Guardiola.

Faltando un wega, Manchester City lo gana e titulo si nan gana West Ham na Etihad Stadium riba diadomingo. Entretanto, Arsenal lo mester di un



victoria riba Everton y e speranza di un derota di Manchester City pa mantene nan speranza riba e titulo bibo.

Pa Tottenham, e derota a extingui nan speranza di sigura un puesto den Champions League, y e entrenador Ange Postecoglou a critica e “fundamentonan fragil” di e club tanto paden como pafo di e campo.

Mientras cu e competencia pa e titulo di Premier League ta yegando na su climax, tur wowo lo ta riba Manchester City, mirando nan ambicion pa sigura otro triunfo historico bou di liderazgo di Guardiola.

Esteban Chaves ta surgi como e miho ciclista Colombiano den e di dies etapa di e Giro d'Italia

E Giro D'Italia a sigui despues di un dia di descanso cu su di dies etapa, cu a resulta di ta un careda atractivo cu a culmina cu un atake final unda Valentin Paret-Peintre a gana den e ultimo kilometernan di e ruta, superando e ciclista Esloveno Jan Tratnik.

E ciclista Frances a mantene un ritmo constante y a conkista un etapa desafiante, mirando e subida intenso na final. Pa e ciclistanan Colombiano, tabata un etapa intrigante den cual nan tabata cerca di sorprende, pero finalmente nan a keda compacta den e peloton principal y algun grupo di escape.

Liderando e contingente Colombiano den e di dies etapa di e Giro D'Italia tabata Esteban Chaves, kende a crusa

e meta den di diesimo luga, solamente 1 minuut y 56 seconde tras di e ganador.

Otro cu a destaca tabata Daniel Felipe Martínez, cu a termina na puesto 15 y a mantene su posicion como e miho coredo Colombiano den e clasificacion general. Einer Rubio a yega di 18.

Un di e momentonan mas remarcabel di e dia tabata e actuacion di Nairo Quintana, kende a termina den e mesun grupo cu Rubio pero a sigura e posicion 31.

Daniel Felipe Martínez ta sigui briya como e miho di Colombia den e Giro D'Italia.

Daniel Felipe Martínez ta keda e miho



ciclista Colombiano den e competencia, kedando cerca di Tadej Pogacar den e clasificacion general. E ciclista di Bora ta 2 min y 40 seconde tras di e Esloveno.

Den e clasificacion di e prome dies nan, Einer Rubio a cay dos puesto na di diesimo, tras di Pogacar pa 5 minuut. Esteban Chaves y Nairo Quintana a gana un posicion cada un, terminando na puesto 17 y 30, respectivamente.

E rendimiento di e ciclistanan Colombiano den e Giro D'Italia ta sigui capta atencion, cu Chaves, Martínez y Quintana mustrando nan resiliencia y determinacion den un di e eventonan mas prestigioso di ciclismo.

SALUD. BEYESA

+ *Y Bienestar Personal* +

Superando obstaculo

Promoviendo un alimentacion saludabel na Aruba



RIBA nos dushi isla di Aruba, e acceso na alimento fresco y saludabel por ta un reto pa hopi residente. A pesar di e abundante recursonan natural y e clima faborabel pa agricultura, e realidad ta cu fruta y berdura fresco sa ta considerablemente mas caro cu e opcionnan procesa y den bleki den e supermarketnan local. E desigualdad aki den prijs por crea barera significativo pa esunnan cu ta desea di adopta un dieta mas nutritivo y balansa.

Ta comprendibel cu hopi hende ta recurri na alimento procesa y den bleki debi na su accesibilidad y prijs mas abao. Sinembargo ta importante reconoce e riesgonan pa salud asocia cu un dieta rico den alimento ultraprocesa cu por contribui na un serie di problema di salud, incluyendo obesidad, diabetes y malesa di curason, sin lubida cancer.

Diabetes, en particular, ta un preocupacion creciente na Aruba y rond mundo. E dieta ta hunga un papel fundamental den e desaroyo y e maneho di diabetes y scoge alimento saludabel ta esencial pa preveni complicacion relaciona cu e malesa cronico aki.

E ora, con nos por fomenta un alimentacion mas saludabel na Aruba, a pesar di e obstaculonnan aki? E clave ta sinta den educacion y e conscientisacion riba e importancia di un dieta balansa y con pa haci opcion saludabel dentro di nos posibilidad.

Prome cos, ta fundamental cu e comunidad compronde e beneficianan p'e salud di consumi un variedad di fruta y

berdura y alimento fresco. Esey ta inclui no solamente nutriente esencial manera vitamina y mineral, sino tambe fibra dietetico y fitonutriente cu ta esencial pa mantene e curpa den condicion optimo.

Fuera di esey, ta importante destaca cu come saludabel no mester ta costoso ni complica. Aunke fruta y berdura fresco por ta mas caro den algun caso, ta existi strategia pa maximalisa e presupuesto y haci cu e alimentonan fresco ta mas accesibel. Por ehempel, cumpra producto di temporada, busca oferta den e supermercadonan local of hasta considera cultivo di un hofi chikito na cas, por ta forma efectivo pa reduci e costonan y aumenta e acceso na alimento fresco.

Tambe e comunidad por traha hunto pa boga pa maneho cu ta promove un mayor acceso na alimento fresco y saludabel. Esey por inclui iniciativa pa mitiga e costonan di fruta y berdura local, apoya e agricultornan local y promove e apertura di mercado di agricultor y tienda di alimento saludabel den e areanan desatendi.

Na final, ta trata di cambia mentalidad y custumber den comunidad. Ta necesario cu cada individuo reconoce e importancia di cuida e salud a traves di un alimentacion nutritivo y tuma e medidanan concreto pa haci cambio positivo den su propio dieta y estilo di bida. Traha hunto pa supera e obstaculonnan y fomenta un cultura di bienestar y salud na Aruba, nos por construi un futuro mas saludabel y prospero pa tur.

Alergia y intolerancia na cuminda

DUNANDO honor na siman di conscientisacion pa alergia na cuminda AWEMainta ta trece pa nos lectornan un relato extenso tocante alergia na cuminda y e diferencia entre alergia y intolerancia na cuminda.

Alergia y intolerancia alimentario ta condicionnan comun cu por causa molestia y problema di salud pa hende. Ta esencial pa distingui entre nan dos, comprende nan sintomanan, causa, diagnostico, opcionnan di tratamento y medidanan preventivo.

Alergia versus Intolerancia Alimentario

Alergia alimentario ta sosode ora e sistema inmunologico ta reacciona riba un cuminda specifico, locual ta causa sintomanan cu ta varia for di leve te cu grave, incluyendo anafilaxia. Na contraste, intolerancia alimentario ta encera un reaccion kimico na cierto cuminda of componentenan di cuminda, pero no ta trigger e sistema inmunologico y, generalmente, no ta causa reaccionnan potencialmente mortal manera anafilaxia.

Sintomanan

Sintomanan di alergia alimentario generalmente ta aparece despues di consumi e alergen y por inclui hinchamento, urticaria, dificultad pa respira, dolor abdominal y vomito. Den caso grave, por tin anafilaxia, caracteriza pa sintomanan manera dificultad pa respira, hinchamento di garganta y mareo. Sintomanan di intolerancia alimentario por tarda mas pa manifesta y por inclui problemanan digestivo manera diarea y hinchamento, dolor di cabes, erupcion di cuero y sintomanan similar na asma.

Causa

Alergia alimentario ta ser desencadena pa proteina den cuminda specifico cu e sistema inmunologico ta identifica como dañino, manera noot, pinda, marisco, webo y lechi. Intolerancia alimentario hopi biaha ta wordo causa pa e incapacidad di e curpa pa digeri cierto cuminda of componente di cuminda, manera lactosa, gluten of aditivo alimentario manera MSG.

Diagnostico

Diagnostico profesional door di un especialista den inmunología clinico/alergia ta esencial pa identifica alergia alimentario cu precision. Metodonan di diagnostico por inclui mantene un diario di cuminda y sintomanan, dietanan di eliminacion, testnan cu hangua of test di sanger cu IgG. Ta importante pa confia riba e testnan di alergia basa riba evidencia comproba.

Tratamento y Maneho

E tratamento principal pa alergia alimentario y intolerancia ta evita cuminda cu ta haci bo malo. Hende cu tin alergia na cuminda mester lesa e etiketan di cuminda bon, puntra tocante e ingredientenan ora nan sali come afo y hiba medidanan di emergencia, manera un autoinjector di epinefrina (EpiPen). Pa intolerancia



alimentario, por ta necesario pa identifica y elimina cuminda problematico for di e dieta y despues reintroduci nan gradualmente pa evalua nivelnan di tolerancia.

Prevencion

Prevencion di alergia alimentario, specialmente den mucha, ta un area di investigacion activo. E strategianan por inclui duna lechi di pecho exclusivo durante e prome lunanan di bida, introduccion trempan di cuminda alergenico den e mucha su dieta y evita eliminacion di cuminda alergenico durante embarazo y lactancia, a menos cu ta medicamento necesario.

Anafilaxia

Anafilaxia ta un reaccion alergico grave cu ta rekeri atencion medico inmediato y por pone bida na peliger. Alergenonan comun cu ta causa anafilaxia ta inclui noot, pinda, marisco y cierto medicina. Tratamento di emergencia ta encera dunamento di adrenalina (epinefrina) y busca yudansa medico mesora.

Etiketa Di Cuminda

Tin paisnan cu tin leyman cu ta rekeri pa etiketa cuminda pa declara presencia di alergenonan den productonan di cuminda, incluyendo gluten, marisco, noot, lechi, pinda y soya. E informacion aki ta crucial pa personanan cu alergia alimentario evita di consumi productonan cu por trese reaccionnan alergico.

Recursonan Educativo

Tin diferente recurso disponibel pa educa hende, famia y comunidad tocante maneho di alergia alimentario y anafilaxia. Tin organisacionnan cu ta ofrece cursonan di entrenamiento online pa profesionalnan di salud, plannan di accion pa controla reaccionnan alergico y guia pa scolnan y servicionan di cuido di mucha.

Alergia y intolerancia alimentario ta problemanan di salud importante cu ta afecta miyones di hende rond mundo. Ora hende comprende e diferencia entre e condicionnan aki, reconoce e sintomanan y tuma e medidanan preventivo adecua, nan por maneha nan necesidadnan dietético efectivo y minimalisa e riesgo di reaccionnan adverso. Cu educacion, sosten y orientacion medico adecua, personanan afecta pa alergia y intolerancia alimentario por hiba un bida saludabel y completo.

Tipnan esencial pa mantencion di barba

BO ta desea pa tin un barba impresionante? Cultiva un barba ta e parti facil, mantene ta rekeri compromiso. Cu e rutina apropiada, bo barba por ta bo orguyo y goso. Aki bo ta haya tur loke bo mester sa pa cuida di bo barba.

1. Cuminsa cu Salud General:

Bo bienestar general ta influencia e crecimiento di barba. Sigura cu bo ta drumi suficiente, keda hidratada y mantene un dieta balansa rico den vitamina y mineralnan. Nutrientenan esencial manera vitamina A, D, K y E, hunto cu vitamina B, ta contribui na un cabey saludabel y ta promove regulacion hormonal.

2. Mantene bo Cara y Barba Saludabel:

Grawatamento den barba por ta un molester, specialmente den e prome etapa di crecimiento. Limpiando e barba regularmente cu productonan specifico pa barba ta elimina celulan morto y susedad for di e cuero, reduciendo iritacion y alabes ta promove crecimiento.

3. Haci 'styling' mas facil:

Un barba bruha y yen di conopi porta un pasadia. Peña y hidrata e barba regularmente ta evita conopi y ta facilita 'styling'. Un mantencion adecuada tambe ta garantiza cu e barba ta complementa bo rasgonan facial y bo estilo personal.

4. 'Grooming' tips:

Laba bo barba regularmente: Uza un shampoo pa barba un of dos biaha pa siman pa kita sushi y mantene humedad. Evita laba bo barba excesivamente pa evita seca y puntanan kibra.

Uza azeta pa barba: Aplica azeta pa barba despues di baña pa hidrata y promove crecimiento di e barba. Opta pa productonan natural pa evita iritacion di e cuero.

Corta e barba: corta e barba regu-



larmente ta esencial pa duna forma y mantene e apariencia di e barba. Inverti den hermentnan di calidad y tuma bo tempo pa evita di comete error. Uza un 'beard balm': un 'beard balm' ta condiciona y 'style' bo barba, specialmente den condicionnan di clima excesivo. Aplic'é manera ta necesario pa hidratacion y control.

Uza un brush pa barba: Brush bo barba regularmente ta distribui e vet natural, kita e sushi y entrena e cabey p'e crece den e direccion corecto. Scoge un brush natural pa evita acumulacion di statica.

Uza un 'trimmer' pa barba of un 'shaping tool': e hermentnan aki ta yuda mantene e estilo di barba desea entre e bishitanan na bo barbero preferi. Bay poco poco, specialmente si bo ta un principiante.

5. 'Do's & Dont's' Den Mantencion di Barba:

Do: Warda por lo menos 4 siman prome cu bo forma bo barba, limpi'é tur dia, brush y peña regularmente y trim cu cuidou.

Don't: Evita di seca intensamente (frega) cu serbete, negligia di uza 'beard oil' of 'balm' pa e barba y laga e barba descuida.

Mantene un barba bunita ta rekeri pasenshi, compromiso y uzo di e hermentnan adecuada. Siguiendo e consehonan aki, bo por mantene bo barba saludabel, elegante y digno di envidia. Sea bo ta prefera un aspecto brusco of un estilo bon drecha, un mantencion adecuado ta garantiza cu bo barba ta refleha bo personalidad y mehora bo apariencia general.

‘Stylish Grandpa’s’ ta redefini envehecimento cu elegancia y moda

DEN un mundo unda moda hopi biaha ta wordo asocia cu hubentud, un tendencia nobo ta surgi cu ta desafia e normanan aki y ta demostra cu estilo no sa limite di edad. “Abuelo cu estilo”, un grupo di cabayeronan mayor cu ta redefiniendo enbehecimento cu nan sentido impecabel di moda y elegancia atemporal.

E hombernan distingui aki, hopi biaha den nan añanan di oro, ta captando curason y atencion di entusiastanan di moda rond mundo. Cu nan combinacion unico di sofisticacion clasico y un toque di estilo contemporaneo, abuelonan cu estilo ta demostrando cu edad no ta un barera pa musta y sinti nan mes mas miho posibel.

Un di e caracteristicanan cu ta defini e personanan mas grandi avansa den moda ta nan compromiso cu paña bon traha. For di trahenan perfectamente ahusta te na acesorionan cuidadosamente selecta, nan ta compronde e poder di un trahe bon elabora. Nan conhuntito ta un testimonio di e idea cu bisti no ta solamente pa ocasionnan special; e ta un celebracion diario di bida y estilo.

Abuelonan cu estilo tambe ta sobresali den e arte di uza acesorio. Sea un ‘pocket square’ fini traha, un holoshi vintage of un sombre elegante, nan sa con pa eleva nan aparencia cu detaye di bon gusto. Nan escogencia di acesorio ta refleha un bida di experiencia y un aprecio profundo pa artesanía di calidad.

Loke ta distingui e cabayeronan aki ta nan confiansa y carisma. Nan ta ‘straal uit’ un sentimento di siguridat den nan mes cu ta bini di un bida bon biba. Ta un recordatorio cu e estilo berdadero no ta trata di sigui tendencianan, sino di brasa nan personalidad y caracter unico.

E plataformanan di rednan social ta hunga un rol importante den musta e estilo di e abuelonan aki. Cuentanan di Instagram y ‘hashtags’ dedica na e personanan di edad cu estilo a gana un grupo di siguido considerabel, celebrando e bunitesa di enbehece cu gracia y moda.

Den un mundo caminda hopi biaha ta celebra hubentud, e surgimento di abuelonan elegante ta un recuerdo refrescante cu estilo, elegancia y confiansa ta mehora solamente cu tempo. E mayornan aki ta demostra cu edad ta un activo y cu nunca bo ta demasiado bieu pa brasa moda y ‘make un statement’. Nan presencia inspirador ta desafia e stereotiponan y ta encurasha tur hende pa celebra e bunitesa di enbehece cu gracia y estilo.



Tuma accion pa alcanza bo metanan:

Afirmacionnan pa un bida proactivo



DEN e trayecto di crecemento y logronan personal, no por exagera e poder di afirmacion positivo. Pa reforsa nos creencia y actitud, afirmacionnan ta sirbi como herment poderoso pa moldear nos mentalidad y conduci nos na exito. Entre e innumerabel formanan di afirmacion, e afirmacionnan orienta pa tuma accion ta sobresali pa nan enfasis riba e pasonan proactivo y e progreso tangibel den direccion di nos metanan.

Den e centro di e afirmacionnan orienta pa accion ta e principio di tuma medida delibera y consistente pa nos aspiracion. Un di e afirmacionnan aki por ta: *“Mi ta tuma medida consistente pa mi logra mi metanan.”*

E declaracion aki ta sirbi como un recuerdo di e importancia di esfuerzo continuo y impulso padilanti. E ta anima nos pa dividi nos metanan den tareanan manehabel y pa compromete nos mes pa tuma pasonan chikito cada dia, independiente di e obstaculo of contratiemponan.

Mescos, declaracion manera *“Mi ta acepta retonan como oportunidadnan di crecemento”* ta ehempel di e mentalidad proactivo esencial pa desaroyo personal. En bes di evita difi-


cultad, e afirmacion aki ta anima nos pa mira e retonan como experencianan valioso di aprendisahe. E ta impulsa nos pa trata e obstaculonnan cu resiliencia y determinacion, confiando den nos capacidad pa supera nan y surgi mas fuerte di e otro banda.

Ademas, e afirmacionnan orienta pa tuma accion ta inspira nos pa adopta un postura proactivo den tur area di nos bida. Sea den nos carera, relacionnan of den e area di salud y bienestar, e afirmacionnan aki ta sirbi como catalisado pa un cambio positivo. Por ehempel, declaracion manera *“Mi ta Priorisa cuido propio y ta nutri mi mente, curpa y spirito”* ta encurasha nos pa tuma medida proactivo pa bienestar holistico.

Esencialmente, afirmacionnan orienta na tuma accion ta impulsa nos di observador pasivo di nos bida pa arkitecto activo di nos destino. Nan ta duna nos e poder pa formula nos metanan, persigui nan cu un determinacion firme y nabega door di e retonan inevitabel cu gracia y resiliencia. Integrando e afirmacionnan aki den nos practica diario, nos ta cultiva un mentalidad di bida proactivo, caracteriza pa intencionalidad, perseverancia y potencial ilimita.

CIENCIA

Fenomeno solar mas potente den varios decada



E inusual fenomeno a tuma luga despues di un poderoso tormenta geomagnetico cu a produci aurora den e hemisferionan nort y zuid di tera.

NASA

Solo a lansa su mayor 'flare' of llamarada manera e ta traduci na Spaño, diamars. E tabata esun mas grandi di e ciclo solar di 11 aña, despues di a genera un poderoso tormenta geomagnetico cu a produci aurora den e hemisferionan nort y zuid di Tera durante fin di siman.

"Ainda e no a caba!," Centro di Prediccion di Clima Espacial (SWPC) di e oficina Naional di Administracio Oceanico y Atmosferico di Merca (NOAA), a skirbi, pa referi n'e ultimo explosion. Segun e organismo, e erupcion a wordo identifica como clase X, esun mas potente dentro di e clasificacion. NASA ta describi e tipo di fenomeno aki como *"explosion gigante den Solo cu ta manda energia, luz y particula di velocidad halto pa espacio,"* debi na reconfiguracion abrupto den e campanan magnetico di e astro.

Ta trata di e explosion mas grandi desde 2005, como tambe e mayor den e actual Ciclo Solar 25 cu a cuminsa na 2019 y ta acercando su punto maximo. *"E ta alcanza un 'crescendo'*

den e maximo solar y despues e ta cay gradualmente, cu un actividad cada biahra menos frecuente," Rob Steenburgh, científico special di SWPC, a afirma, cita pa Axios.

E flare a bin di un mancha solar denomina 3664, e mesun cu, combina cu e region 3663, ta forma un cumulo *"hopi mas grandi cu Tera"*, NOAA a indica e siman anterior. Te cu diahuebs ultimo, 3664 tabata sigui crece y aumentando complehidad magnetico y a evoluciona te convirti den un mayor menasa di riesgo di solar flares," e organismo a detaya.

Posibel efecto riba Tera

Bisando esaki, e institucion a comunica cu e fenomenonan di e magnitud aki *"no ta frecuente"* y cu por tin efecto na Tera. Den e sentido aki, nan a adverti cu *"e usarionan di radio di frecuencia halto por experencia degradacion of perdida completo di e señal den e banda solea di Tera."*

A pesar di e intensidad di e flare, e expertonan a bisa cu ainda no tin preocupacion pa un eyeccion di masa coronal (CME) cu ta dirigi na nos planeta. CME ta explosion di plasma y campo magnetico di e corona solar cu ta provoca tormenta geomagnetico ora cu nan ta dirigi pa Tera, NOAA a splica.

Otmar Oduber

Parlamento no ta haci su trabou como representante di pueblo



UN di e criticanan grandi cu Otmar Oduber di Plataforma Pais tin, ta cu no ta sinti cu Parlamento ta haci e trabou di representante di pueblo.

Recientemente Parlamento no tabatin e cohon pa tuma un decision riba e ley di matrimonio di mesun sexo y a opta pa laga esaki den man di huesnan, cu lo mester bin sinta awo riba e stul di parlamentarionan y gobernantenan. Pero no ta solamente esey, por mira e mesun situacion pa loke ta problemanan manera por ehempel esun di RWZI y 31 edificio bandona di gobierno, cual por cierto Otmar a laga un ley completamente cla atras 5 aña pasa.

“Bo no ta mira ni oposicion ni esnan cu ta sostene gobierno ta carga un responsabilidad pa comunidad di Aruba”, Oduber ta opina.

Ningun miembro di Parlamento ta bin cu proposicion, ta critica so por scucha, un ta critica otro. Mientras tanto, si mira e presupuesto cu tin pa Parlamento, e ta puntra su mes si tin mester di 21 parlamentario pa un comunidad asina chikito manera esun di nos isla. *“E mesun trabou no por wordo haci 15 miembro, por ehempel? Ban hiba e discusionnan necesario awo, prome cu eleccion otro aña”.*

Otmar ta puntra su mes, dicon e parlamentarionan, cu tin e trabou di controla gobierno no ta haci esaki. Esaki posiblemente pasobra hopi biaha esnan cu ta bay den Parlamento ta pasobra nan no por a bira minister y no tin mag di tin un bos, y e tiki biahnan cu tabatin un bos, tabatin conse-

cuencia pa nan, manera pasado a demostra.

Continuando, Oduber ta bisa cu Aruba por wordo maneha y guia cu 15 parlamentario y 5 minister. *“Si bo tin 5 minister cu ta traha manera Otmar Oduber a traha, kere mi nos ta produci 15 biaha mas di loke nos ta produciendo n’e momentonan aki y cu nos a produci den otro momentonan. Bo mester tin boluntad y amor p’e comunidad aki”.*

Lamentablemente te dia di awe e Plataforma no a haya respuesta di gobierno riba e carta manda varios luna atras pa bin cu un Dialogo Nacional riba reduccion substancial di gastonan cu lo mester atende diferente situacionnan y proposicionnan presenta na beneficio di Aruba y nos comunidad, esaki prome cu eleccion.

E topico principal di e Dialogo Nacional tabata reduccion di gastonan di gobierno cu 12% di un presupuesto di un poco mas di 1 biyon Florin. Es decir, reduccion di gastonan di gobierno di mas cu 100 milyon Florin, cual segun Otmar Oduber ta posibel si tin e cohon y determinacion di aleha politica for di e decisionnan cu no mester ta den e ramo politico.

Tampoco por scucha ningun di e 21 miembronan di Parlamento haci algun pregunta riba e topiconan ariba menciona, pero aki un aña lo tin eleccion, unda nan tur, of por lo menos mayoria di nan, lo ta buscando voto di pueblo sin cu berdaderamente nan a muestra nan responsabilidad pa cu nos comunidad.

Miguel Mansur (ACCION21):

Peticion pa reunion di CHA pa considera ontslag griffier Herman Hek

DIARANSON ultimo presidente di parlamento, Edgard Vrolijk y griffier, Herman Hek, a purba manca e instituto mas halto di nos democracia. E director di DWJZ, George Croes, ta parce di ta complice den nan intento di cambia 38 aña di precedencia y hiba nos parlamento den incertidumbre ora di voto. Den parlamento mester di un mayoria presente (11 miembro) y un mayoria di esnan presente mester vota na favor pa un ley pasa, por ehempel 6-5 t'e minimo necesario pa un ley pasa.

Articulo III.16 di nos constitucion ta regula procedura den parlamento y ta referi na reglement van orde (RvO) pa determina si un miembro ta presente. RvO ta hopi claro c'un miembro por unicamente vota pro of contra. Pa parlamento por desvia di RvO tur 21 miembro mester bay di acuerdo. E anochi prome cu votacion ta parce cu presidente di parlamento a purba konkel wak con por garantiza p'e ley no pasa door di tuma contacto di Director Croes (DWJZ) y griffier ta parce di a 'speel mee.'

Diaranson presidente di parlamento kier a pone un banda RvO sin aprobacion di tur miembro y procede segun su interpretacion di Constitucion, supuestamente cu respaldo di director di DWJZ. Ta unicamente despues cu Parlamentario Mansur a pidi griffier e advies por escrito a bin resulta cu e recomendacion di director Croes (DWJZ) tabata pa miho no cambia nada. Drentando reunion riba igualdad matrimonial diaranon mainta tabata tin mas voto pro cu contra.

Den un forma cu ta parce partidista, Vrolijk tabata kier p'esnan pro den MEP por keda sinta den sala, abstene y pa nan abstencion afecta e volstrekte meerderheid. Por ehempel si 11 miembro vota pero 4 abstencion ser conta como voto, e cantidad necesario p'e ley pasa ta subi di 6 pa 8. Esaki t'e wega sushi di Vrolijk y MEP pa purba preveni cu e ley ta pasa y mientras griffier mester a para firme e ta parce di ta complice. Cu griffier, Herman Hek, ta presta su mes na interpretacion huridico dudoso di Vrolijk ta inexplicable y un menasa pa parlamento di Aruba.

Griffier ta parce di ta presta su mes na konkelmento di regla pa metanan partidista of ta carece di e conocimiento legal suficiente pa corectamente administra parlamento. Hek ta parce di a troce consejo di director di DWJZ pa complace Vrolijk, un violacion di su trabao y encargo. E iniciadonan mester a solicita asistencia di gobernador pa preveni ilegalidad di tuma luga na parlamento. Ta unicamente despues cu Mansur a confronta griffier cu si e ta bay para responsabel y pidi DWJZ su advies por escrito cu el a busca consejo di griffier di Tweede Kamer y Sint Maarten cu a confirma loke ta den RvO, abstencion no ta posibel.

Despues di argumenta cu sra. Raymond su abstencion den tratamiento di un ley a ser conta den e voto, iniciadonan a investiga y a resulta cu loke a ser presenta pa presidente y griffier no tabata corecto. Raymond su abstencion no a ser considera p'e volstrekte meerderheid. Mas investigacion a demostra cu esaki nunca a yega di sosode pero presidente y griffier kier a hunga un wega sushi cambiando 38 aña di precedencia kisas cu complicidad di DWJZ pa purba segura cu e ley no ta pasa.

No ta prome biaha c'un presidente di parlamento di partido MEP ta mal uza su conocimiento huridico aparentemente defectuoso (cu nan a logra studiando mientras nan ta parlamentario riba costo di pueblo)



pa debilita nos institutonan. Den e reunion cu a baha Marisol Tromp como minister, ex-presidente Thijsen y griffier a acepta un votacion, sin cu tin 11 miembro presente den sala, un violacion di nos constitucion, pa despues gobernador draai e decision bek. Den e caso ey Thijsen y MEP a argumenta cu segun e lista di presencia tabata tin mas cu 11 miembro cu a firma y esey mester kier men cu tin 11 miembro den sala.

Parlamentario Mansur y otro miembronan a yega di manda carta pa gobernador tocante actonan den violacion di nos constitucion y reglement van orde cu ta sosode bao presidente Vrolijk. E lider di ACCION21 kier un reunion di CHA pa investiga griffier su complicidad den e actonan cu ta mina confiansa den su persona como e ambtenaar di mas halto y e unico cu ta wordo nombra y despedi directamente pa parlamento.

Aparentemente ora director di DWJZ a wordo acerca pa presidente y griffier un anochi prome c'un reunion importante el a entretene sugerencia di cambio na nos sistema di votacion door di busca buraco den ley. MEP su disponibilidad pa actua di forma extra-constitucional pa metanan partidista ta un menasa na nos institutonan y ta haci nos democracia mas fragil. Finalmente nada di esey tabata necesario paso nan por a simplemente papia cu AVP y acorda cu ta blokia e ley di pasa, manera Tevreden y Dowers aparentemente a acorda.

Iregularidad di diaranon no t'e unico preocupacion di Mansur, normalmente ora un parlamentario(nan) biaha pa reunion di Parlatino no ta tene reunion publico. Dialuna 13 di mei Mansur tabata programa pa biaha pa Brasilia pa un reunion di Comicion di Asunto Economico. Presidente a yama un reunion pa trata cambio na kiesverordening riba e fecha cu e lo tabata ausente. Luga di nenga di saca e oproep paso un miembro lo ta di biahe di trabao representando pais Aruba, griffier a saca e invitacion p'e reunion. Sospechoso ta cu griffier y wetgeving-sjurist di parlamento tabata na altura cu lider di ACCION21 tabata tin tres amienda pa presenta riba e proyecto di ley.

Desde inicio di 2024 Mansur a solicita notula di tur reunion di CHA desde 8 juli 2021 y te awe griffier no a logra entrega nan a pesar di a priminti esey. E lider di ACCION21 su confiansa den griffier a ser sacudi y el a yama un reunion di CHA pa griffier Hek duna un splicacion despues di cual Mansur lo evalua si ta procede c'un mocion di ontslag.

Parlamentario Marco Berlis (MEP):

Miguel Mansur su pacto scondi cu AVP a keda exponi



DESPUES di e reunion publico cu a trata e ley di Matrimonio Mesun Sexo riba diaranson 8 di Mei 2024, diferente Parlamentarionan a expresa nan mes den prensa con e reunion publico a bay. E iniciado di e ley, sr. Miguel Mansur, a sali bon rabia y decepciona pa motibo di e resultado di e votacion. Por bisa cu tur siguridad cu Mansur no a spera cu e ley lo a bay conoce tanto resistencia.

Miguel Mansur ta divulga su pacto scondi cu AVP

Despues di wak Arthur Dowers vota contra e ley y e reunion a caba, Mansur a sali pafo den un rueda di prensa pa elimina sr. Dowers di su lista di amigonan y posibel futuro colega minister. Mansur no ta kere den democracia y tampoco den e libertad di e voto sagrado di cada parlamentario, cual ta hancra den nos constitucion. Di un forma dictatorial y arogante Mansur a expresa su mes contra Arthur Dowers y a declara cu si e mester drenta den gobierno den e siguiente eleccion hunto cu AVP, e no kier wak ni ta aproba pa Dowers bira minister den nan coalicion.

El a bisa esaki cu un tono menasante y di un forma concreto. Di e forma ey tur hende por a saca som cu AVP y Accion 21 tin un pacto di matrimonio scondi cu otro di basta tempo caba. Mester bisa cu sigur Marisol di MAS tambe ta den touw, mirando cu despues di eleccion 2021 Mansur y Marisol a

sinta hunto pa forma un posibel gobierno.

Mansur a nenga di duna un declaracion contra e corrupcion di AVP

Loke a asombra pueblo ta cu Mansur no a critica Mike Eman pa su vota contra e ley. E ta splica tambe pakico Miguel Mansur, cu ta pretende di ta integro y trahando pa pueblo, hamas a critica e dos casonan di corrupcion bergonsoso den AVP. Miguel Mansur ta brasando y aprobando e politica di AVP cu ta celebra corrupcion, cual ya tin un minister sintando den KIA y otro condena caba den corte di prome instancia. Mansur kier mantene su lasonan cu Mike Eman fuerte pa tene e escenario habri pa forma hunto un posibel gobernacion. Miguel Mansur, awo e satellite oficial di AVP a divulga su motibo real pakico e kier inventa storianan riba gobierno actual: *“E ta parti di e coalicion di corrupcion den oposicion.”*

Hipocresia den dia cla di Miguel Mansur

Mansur cu supuestamente ta gritando contra tur partido tradicional, ta duna un motibo mas pakico hamas por confia y kere den dje! E insinceridad di Mansur a yega un circulo completo. Su maniobranan, mentiranan y actitud arogante a haci’e perde tur credibilidad! E realidad ta cu AVP y Accion 21 a huramenta amor y fieldad te ora morto separa nan! Aruba lo por sobrevivi un aliansa asina den gobierno?

Mientras oposicion y coalicion ta morto na sueño

Plataforma Pais ta lansa proposicion pa un ley di ‘Beneficio Economico Laboral’

“SI nos a acepta tur tipo di medida pa enrikece caha di gobierno, e ora ta momento, pa despues di 40 año cu nos ta gaba cu nos turismo y nos economia ta bay asina bon, p’e empleado y e pueblo trahado cuminsa haya e beneficianan di e ganashi”. Esaki t’e forma cu Otmar Oduber di Plataforma Pais ta lansa e proposicion pa un ley di Beneficio Economico Laboral (BEL).

Si gobierno di Aruba por introduci tur tipo di medidanan contra pueblo, medidanan cu ta saca placa for di e comerciante directo, hinc’e den caha do gobierno y ningun hende sa na kico e placa aki ta bay, e ora mester por percura p’e trahado tambe por beneficia di e “boom” economico cu nos Pais ta gosando di dje. Aña pasa pa menciona un ehempel, a saca 80 miyon Florin adicional for di turismo, a bay den caha di gobierno y ningun hende un sa unda e placa aki a bay, pero awe no tin placa pa drecha RWZI. Mientras esaki ta pasa, ningun di e 21 miembronan di Parlamento ta cuestiona esaki, nan no ta puntra unda e placa aki a bay.

Plataforma Pais ta mira esaki y ta bisa cu a yega momento pa bin c’un Beneficio Economico Labora (BEL), pa medio di cual e pueblo trahado ta bay haya un beneficio directo di e economia creciente y exitoso cu Pais Aruba tin.

E ley ta bisa c’un porcentahe di e ganashi di e empresa ta bay p’e trahado cu año aden, año afo ta yuda e empresa crea e ganashi aki. Por ehempel, si banconan por demostra cu nan a gana 40, 50 miyon den un año, un porcentahe di e ganashi aki mester bay p’e trahadonan di e banco. E porcentahe aki no lo bira un peso adicional p’e comerciante, pues lo haci cu e porcentahe aki cu ta wordo duna n’e trahado bira deducibel 100% di e winstbelasting di e doño di trabou. E suma aki no lo conta como un aumento di salario,

sino como un beneficio n’e trahado, por lo tanto no lo tin gastonan adicional p’e doño di trabou ni p’e trahado. O sea no lo tin gastonan adicional manera entre otro contribucion na AZV, SVB, loonbelasting etc. etc..

Meta di e ley ta p’e trahado tin mas placa den su cartera, p’e trahado haya un porcentahe di e ganashi cu el a yuda contribui na dje. Di e forma aki e trahado lo por tin un miho entrada y indirectamente gosa di un aumento den su entrada.

Gobierno di su banda lo genera su fondo door di e mesun ley aki, pasobra e personanan ta bay cumpra bek den comunidad. Esaki ta significa cu mas producto lo drenta Aruba, lo bay tin mas circulacion den nos economia, mas placa lo draai, pero e biaha aki e lo draai bou di e pueblo trahado.

E propuesta aki ta bin banda di loke ya caba e plataforma a bin ta mencionando di reduci gastonan di gobierno. E plataforma lo ta mandando un carta pa gobierno y parlamento caminda kier habri un discusion riba e posibilidad di e ley di BEL.



Eric Ras(Curpa):

Gobierno a hinca su mes den un hanchi sin salida



E partido socialista a caba cu nos isla. Nos tin un minister di energia cu a bula rond mundo pa busca heavy fuel oil pero nos ta kere cu tabata mas un biahe di placer cu di busca solucion pa baha prijs di awa y coriente. Nos por corda cu mester a core cu e director di WEB NV y hendenan rond di dje. E president di VWI nos no ta tende mas di dje paso e tambe segun informacion tambe a core cu ne y a duna nan tur un golden handshake.

Nos por corda Quantum Consortium Aruba & Eagle LNG cu e minister a bisa di bin inverti 3.5 biyon di dollar pa start e refineria na Aruba. Despues el a pone Eagle LNG divorcia di Quantum Consortium Aruba y a bay den un aventura cu Eagle LNG. Ela bay busca heavy fuel oil mas barata y a crea un explosion den un planta di awa. E explosion a dañá e planta y no ta sirbi mas. Mester busca un planta nobo pero cu ki tin placa? Barionan mester keda sin coriente paso mester switch e coriente pa hotel no keda sin coriente.

WEB NV a firma un acuerdo cu Seven Seas Water Group pa un planta di awa y e compania lo bende WEB NV awa y coriente pa 10 año largo. Segun informacion WEB NV su situacion financiero ta malo y tin un debe di mas cu 1 biyon florin. Nos gobierno a bay cu tur e dividend di e empresanan estatal. Aruba Ports Authority tambe a bay den protesta paso kier baha gasto. Gobierno lo a hinca man den caha di Aruba Ports Authority?

Asina mes cu WEB NV no tin placa a hinca e planta di purificacion na Bubaliplas bao di dje. A lanta un NV cu lo cobra cada turista \$35,= cu lo mester bay pa paga p'e planta. E impuesto cu turista ta paga ta halto caba y cu mas medida riba nos turismo gobierno ta mata e galiña cu ta pone webo di oro. Pueblo mester paga pa chupa pos di cas mientras tin negoshi y casnan cu no ta paga nada paso nan ta conecta riba e riolering cu ta bay Bubaliplas. E cos aki a crea un disgusto bao di pueblo.

Gobierno di Aruba a sigui ciegamente e conseho di World Economic Forum cu ta bisa lo bo no tin nada y lo bo ta feliz. Unda cu e plan di World Economic Forum a wordo implementa, expresion di e president of e prome minister cu nunca nan sa di nada. E por zona chistoso pero ta mesun palabra nan cu nos prome minister ta uza. World Economic Forum ta deal solamente cu e prome minister of president di e pais.

Edad di pensioen ta subi no ta paso no tin placa sino e placa di e pensionadonan ta bay otro caminda. Mas hisa edad di pensioen menos hende lo cobra pensioen. Esaki t'e agenda di Sustainable Development Goals cu gobierno a hinca nos aden. Haci e rico mas rico y caba cu e clase medio pa keda solamente e rico y e pover. Un mentalidad comunista paso e pover semper mester keda depende di gobierno. Si transforma e pover su manera di pensa, lo e no mester di ayudo di gobierno mas.

Segun nos informacion empresanan estatal y tambe SVB cu a cumpra e bonds y mayoria ta na 6.5% di interes pa año. E economia mundial lo crash y lo ta un sla duro pa Aruba. Banconan Central lo crash. Dollar lo perde su balor y nos florin tambe. Internet lo cay y ningun hende lo no por swipe ni lanta placa. Esaki t'e great reset. ARUBA NO TA CLA PE. Pensioenfondos y Banco Central tin reserva di oro? Prijs di oro y plata lo subi drasticamente. Nos gobiernonan no a sa di administra placa di pueblo. Dios su tempo ta awor y no di politiconan cu ta kere cu nan ta doño di Aruba. Politiconan no kier scucha wel nan tin di sinta riba nan blaar. Tempo di Dios ta perfecto. Partido Curpa e unico alternativa.

NUEVA RUTA

LIMA → ARUBA

Todos los jueves,
sábados y domingos

PARA MAS INFORMACION VISITA WWW.AIRPORTARUBA.COM

Con pa supera dolor di ruptura

Seis conseho pa sana e herida di abandono

RECUPERA di un separacion ta un proceso cu ta tuma tempo y esfuerso. Aki nos ta presenta seis aspecto clave pa considera p'asina super'e.

Supera e sensacion di abandono despues di un ruptura di pareha, no ta un trabao facil. Ya sea e separacion tabata consensual of inespera, enfrenta e tipo di duelo aki por resulta desafiante. Si bo ta den e situacion aki, aki nos ta ofrece bo algun conseho pa sana e herida di abandono.

E expertonan ta señala cu e tipo di rechaso experimenta durante un ruptura amoroso, ta influencia den e angustia despues. Entre tur e estilonan di ruptura, abandono ta loke mas impacto ta genera y p'e motibo aki. Esun mas dificil di supera. Laga nos spera cu e pasonan aki pa supera e herida di abandono ta di gran ayudo durante e proceso aki.

Seis clave pa sana e herida di abandono

Cada proceso di duelo ta unico. Algun persona ta logra recupera den algun siman, mientras cu otro ta rekeri luna of hasta aña pa hacie. Ta importante tene na cuenta e variabilidad pa evita compara bo proceso cu esun di e otroan mas cercano na bo.

Diferente factor ta influencia den e rapides cu cual por sana e herida di abandono. Por ehempel, e duracion di e relacion ta hunga un papel crucial den cuanto tempo ta hiba pa recupera. En general, mas largo e relacion tabata, mas tempo por rekeri e proceso di recuperacion.

Prome cu nos repasa e pasonan pa sana e herida di abandono, ta crucial pa bo prepara pa asimila nan. Importante ta pa compromete bo mes pa aplica nan, compronde cu e lo beneficia bo y vooral, sigui dilanti cu bo bida. E ultimo punto aki mester motiva bo pa supera e ruptura ey.

Acepta e realidad

1. Acepta e ruptura ta e promaso pa sana e herida di abandono. Reconoce e situacion den su totalidad ta permiti bo cuminsa confront'e di manera efectivo.

Si bo mester di ayudo pa acepta e abandono, considera busca sosten di un terapeuta. No cera bo mes di e posibilidad ey, ya cu un profesional por yuda bo procesa bo emocionnan y gana perspectiva riba e situacion.

Balora bo sentimentonan

2. No reprimi bo emocionnan. Ta importante pa permiti bo



mes sinti y expresa bo sentimentonan durante e proceso aki di duelo. Yora si bo tin mester y expresa bo frustracion lo yuda bo libera e tensionnan emocional.

Traha riba bo autoestima

3. Un ruptura por afecta bo autoestima. Ta fundamental traha den fortalece boautoconcepto y e confiansa den bo mes. Si ta necesario, busca sosten di un terapeuta pa atende e aspectonan aki.

Haya distraccion saludabel

4. Crea momento di distraccion cu ta permiti bo aleha temporalmente di e pensamentonan relaciona cu ruptura. Sali cu bo amigonan, disfruta di actividad cu bo gusta y desconecta di e rednan social por ta opcion util.

Evita busca culpabel

5. No obsesiona buscando culpabel. Cada ruptura ta unico y culpa un hende, ya sea bo mes of bo pareha, solamente lo genera mas sufrimento. Na luga di esey, concentra pa siña di e experiencia y sigui padilanti.

Duna bo mes tempo pa sana

6. Finalmente duna bo mes e tempo necesario pa supera e proceso di duelo por completo. No pura pa cuminsa cu relacion of actividad nobo prome cu bo ta cla. Permite bo mes sana por completo prome cu bo dal e siguiente paso.

Corda cu supera e herida di abandono ta tuma tempo y ta un proceso gradual. Tene pasenshi cu bo mes y confia cu, cu tempo, lo bo haya e paz y e estabilidad emocional cu bo tin mester.

Durante su bishita na Consejo di Minister:


Executive Director di IMF sr. Paul Hilbers cu palabra di elogio p'e recuperacion financiero y economico di Aruba



DIAMARS mainta Consejo di Minister a ricibi bishita di Executive Director di IMF sr. Paul Hilbers kende tabata tin palabra di elogio p'e manera impresionante cu Aruba a bin ta recupera di e pandemia di COVID-19.


Sr. Hilbers ta forma parti di e board di IMF y a indica cu Aruba ta gosa di un bon reputacion cerca IMF. Aruba su economia ta bayendo bon, finansa publico ta wordo maneha basa riba surplus, e debe di Aruba ta bahando, tin estabilidad monetario y financiero, e sistema financiero ta integro y Aruba ta trahando caba pa por mitiga efectonan di cambio climatico. Ta puntonan hopi positivo cu ta wordo mira pa wowo di inversionistanan internacional y tambe p'e turista cu ta scoge p'e estabilidad cu Aruba ta ofrece como destino turistico.

Esaki sigur ta bon noticia pa Aruba y t'e resultado di trabou duro y serio cu a wordo haci pa nos hendenan di Aruba. Minister Maduro di Finansa kier gradici y felicita su ekipo financiero, colega Ministernan, Parlamento y Aruba henter p'e mensahe positivo aki cu ta keda treci p'e Executive Director di IMF. Nos por ta orguyoso di locual nos tur como comunidad ta logrando na bienestar di nos Pais.



Despues di e exitoso conferencia di FADA “Mind Matters”

Aruba Bank a organisa un “Wellness Event” pa su empleadonan



ARUBA Bank ta comparti su “Wellness Event” organisa pa su empleadonan cu a tuma luga recientemente, despues di e exitoso conferencia di “Mind Matters” organisa pa FADA. E evento aki, organisa durante e luna di Salud Mental, tabata tin como meta pa reforsa e importancia di bienestar di empleadonan den e organisacion.

Marcelino Mauricio, un orador distingui conoci pa su charlanan motivacional, a forma parti di e evento como e invitado special, compartiendo un evento di bida profundamente personal cu e audiencia. E evento a presencia un participacion notabel for di empleadonan di Aruba Bank, cu discusionnan positivo, preguntanan alcaso, y interaccion durante henter e evento.

E departamento di “Human Resources” ta expresa su gratitud sincero na tur empleadonan cu a asisti na e evento, reconociendo nan dedicacion pa priorisa salud mental y nan bienestar en general. E evento aki ta enfatisa ainda mas e compromiso firme di Aruba Bank su pilar fundamental di “We Care”, reafirmando su sosten pa iniciativanan di bienestar di empleadonan.



Exposicion fotografia cu enfoke riba problema y solucion social

E departamento di “*Social Work and Development*” di e facultad di Arte y Ciencia di Universidad di Aruba ta organisa un exposicion titula Fotografia cu Enfoke Riba Problema y Solucion Social. E proyecto aki ta forma parti di e curso di “*Caribbean Social Issues and Change*”. Durante e curso e studiantenan ta cera conoci cu e problemanan social na Aruba y ta aplica teoria sociologico pa por splica nan causa y asina yega na un solucion sostenibel.

Consciente di un generacion tecnologico informativo y arte visual, e studiantenan a ricibi entrenamiento den fotografia di mr. Michael Fowler, un fotografo / camerografo. Despues a pidi e studiantenan pa tuma potret di un problema social na Aruba y un potret di un posibel solucion pa e problema. E potretnan

aki lo ta exhibi den un exposicion na **UNOCA** for di **16 di mei 2024** te cu **14 di juni 2024** for di **9:00am** te cu **3:00pm**.

E ‘Exposicion Fotografia cu Enfoke Riba Problema y Solucion Social’ ta un exposicion y un plataforma pa e publico di Aruba participa activamente na e combersacion riba e problemanan mas urgente/ preocupante di nos sociedad y nan posibel solucionnan. Durante e periodo di e exposicion, e studiantenan, den colaboracion cu e expertonan, lo duna dos charla publico: un tocante ‘Obesidad y Sobrepeso’ y un otro tocante ‘Salud mental di e hobennan’. Nos ta invita e comunidad di Aruba pa uni cu nos den e dialogo importante aki.

Nos ta extende nos mas sincero gratitud na nos sponsor principal, Aruba Bank, y na nos otro sponsornan, CMART, WOW Cosmetic y Tostao Catering & Services, pa nan sosten valioso pa asina por realisa e proyecto ‘Exposicion Fotografia cu Enfoke Riba Problema y Solucion Social’.



SIGN UP NOW

VIA STIMAMI STERILISAMI'S WEBSITE &
SAVE UP TO 45% OFF YOUR PET'S
STERILIZATION COSTS PLUS GET A FREE
MICROCHIP!

**45%
OFF**



**FREE
MICROCHIP**

Director ehecutivo di IMF a duna presentacion na Banco Central di Aruba



DIAMARS atardi, Director Ehecutivo di IMF (Fondo Monetario Internacional) a duna un presentacion interesante na Banco Central di Aruba.

Durante e presentacion, señor Hilbers a indica cu e evaluacionnan cu IMF ta haci pa Aruba ta di gran importancia y e resultadonan ta sumamente positivo. Tambe el a subraya riba e areanan unda Aruba por pone mas atencion.

Un t'e diversificacion di e economia di Aruba y e otro ta e riesgonan di e cambio climatico. Señor Hilbers a remarca cu e tema financiero di un pais no ta solamente e placa pero e por ta hopi mas cu esey.

Senor Hilbers, riba e mesun dia aki den oranan di mainta, a reuni cu Ministerraad unda el a duna e vision di IMF pa cu e desaroyo di Aruba. Durante e encuentro cu e mandatarionan señor Hilbers a duna palabranan di elogio na Gabinete Wever-Croes y a indica cu Aruba tin un desaroyo posi-



tivo y impresionante.

“Tawata un presentacion hopi interesante. Mi ta gradici y felicita Banco Central di Aruba pa organisa esaki. Pa

Gobierno, semper ta bon pa haya bon noticia riba e resultadonan di e maneho cu nos ta hibando”, Prome Minister a expresa.

Hopi éxito den nan examen

CEC ta desea tur su studiantenan



CENTRO Educativo Creativo (CEC) ta cay bou responsabilidad di Fundacion Centro Famia Piedra Plat cu ta duna huiswerkbegeleiding na alumnonan di Scol Secundario y ta asisti e hobennan den nan formacion cu un afterschool program durante henter e aña escolar.

Esaki ta posibel cu e sosten di CEDE Aruba “BARIONAN UNICO” y e proyecto “Veilige Barios”. Boluntarionan profesional ta guia e hobennan cu nan huiswerk incluyendo ayudo cu presentacion y estudio, les di musica y deporte recreativo.

E huiswerkbegeleiding ta draai 4 biaha pa siman entre Dialuna pa Diahuebs di 1:00 pa 5:00 PM. E after school program aki ta pa hobennan di voortgezet y tambe pa muchanan di basisschool (cu ta aparta di otro). Hunto cu e mayornan nos por guia y reforsa e mucha den su desaroyo y pa ta exitoso na scol.

Por inscribi for di awor caba pa e aña escolar nobo 2024-2025. Por tuma contacto via Whatsapp: 6995545 of tambe por traha un afspraak pa pasa wak y papia personalmente na nos Fundacion cu ta keda na Piedra Plat 50.



**COME IN
WE'RE
OPEN**

CAYA HARMONIA 1. LOKAAL 2
NOORD (PATRAS CITGO SASAKI)

Designed by  @junglecafe



Ganadonan di competencia escolar di fotografia - Dia di Himno y Bandera 2024 a ricibi nan premio



E aña aki Ministerio di Cultura conhuntamente cu Comision Celebracion Dianan Nacional a organisa varios competencia escolar en conexion cu Celebracion di Dia di Himno y Bandera 2024. Esaki a resulta un exito cu participacion di un cantidad di alumno di varios scol.

Recientemente Comision Celebracion Dianan Nacional a entrega premio na e ganadonan.

Den e competencia di fotografia pa muchanan di scol basico, e ganado a resulta e hoben Hayzey Arends di klas 4b di Colegio Conrado Coronel.

E potret ganado a wordo describi como lo siguiente:

“Mi Aruba stima, ki orguyoso mi ta di tin bo como mi hogar. Cu orguyo mi ta comparti mi cas cu hopi bishitante, cu kier bin admira bo beyesa sin igual. Nos beachnan precioso y nos hendenan caluroso ta haci cu Aruba ta keda e Isla mas gusta y bishita. Na mi Isla e subida y bahada di solo ta algo fenomenal”.

E ganado den scol preparatorio a resulta e hoben Emmanuel Garcia di Scol Preparatorio Cayena. **E potret ganado a wordo describi como lo siguiente:**

“Mi ta sintimi orguyoso di e bunitesa di nos lama color blauw scur bunita, cu ta rondona nos isla. Danki na e lama bunita aki nos tin hopi turista cu ta bin di afo pa disfruta di nos dushi isla. Mi Aruba stima mi ta orguyoso di bisa Arubiano mi ta”.

Ademas cu e muchanan ganado a ricibi nan premio, nan klas tambe ta ricibi un premio. Minister Xiomara Maduro ta felicita e ganadonan y ta gradici un biaha mas tur scol y muchanan pa a participa den e competencianan. Masha danki na e docente y mayornan pa motiva y brinda ayudo na nos muchanan, pa asina nan balora y aprecia mas Nos Dia Nacional, Dia di Himno y Bandera y asina sigui sinti nan mes orguyoso di ta Arubiano.



Minister Maduro tabata presente n'e evento 'Ban Topa' di Arubahuis pa duna un discurso di motivacion na studiantenan

Keda semper cu Aruba den boso mente, curason y futuro

DURANTE su biahe di trabou recientemente na Hulanda, Minister Maduro di Finansa y Cultura a topa cu un grupo di estudiante Arubiano den e 'Ban Topa' organisa pa Arubahuis na Haagse Hogeschool. Un encuentro cu a wordo lidera pa directora di Arubahuis sra. Joslin Croes cu a conta cu presencia di Minister Plenipotenciario sr. Ady Thijsen, Ministernan Glenbert Croes y Xiomara Maduro, directornan di Utilities y RDA, y directora di DRH. E meta di e encuentro tabata pa scucha opinion y preocupacionnan di e hoben studiantenan pa asina Arubahuis por formula maneho pa por brinda e sosten necesario na e studiantenan Arubiano leu fo'i cas.

Pa Minister Maduro e tabata un placer pa por comparti un rato cu nos hobennan cu ta studiando na Hulanda y pa scucha nan preocupacion y nan sugerencianan. Minister Maduro a haci uzo di e ocasion pa asina brinda un discurso di motivacion den cual e mandatario a recorda tur hoben cu bida ta prepara bo semper y ta duna bo pruebanan cu ta forma bo caracter y ta yuda bo haya e habilidadnan necesario pa bo cumpli cu bo metanan. "Tur locual ta wordo haci di bon curason, ta logra. Den cada cos malo cu pasa, tin un les positivo, nos mester tin wowo pa mira esey. Kere den bo mes," tabata algun conseho cu Minister Maduro a comparti cu e hobennan presente. Na final e mandatario a pidi cada estudiante pa semper hiba Aruba den nan mente y curason, y pa un dia bin bek pa yuda den e desaroyo di nos Pais.

Minister Maduro ta gradici Arubahuis pa e oportunidad aki pa comparti y motiva nos hobennan. Ta hopi importante pa keda den contacto cu nos hoben studiantenan, pa brinda nan atencion, oido, guia y motivacion den e fase importante aki di nan bida, na unda nan ta prepara nan mes pa nan futuro. Minister Maduro ta desea tur hoben estudiante hopi exito cu nan estudio y ta desea pa Aruba por keda forma parti semper di nan pensamento y nan futuro.



Fortaleza pa Famia

Ban proclama y declara e grandesa di Dios

NINGUN hende ta perfecto, tur hende por comete eror, p'esey ta na su luga, pa nos proclama e grandesa di nos Señor pasobra Dios ta grandi poderoso, firme y fiel.

Ora nos ta papia di grandesa di Dios, nos fe ta aumenta, nos lo ricibi curashi, ora nos corda cuanto cos grandi y bon Dios a haci pa nos.

Nos tur riba mundo ta deudor n'e amor y misericordia di Dios, pasobra Ta Dios t'esun cu ta duna bida y rosea, E ta yena nos cu amor.

Dios a pone autoridad den boca di tur esnan cu ta kere den dj'E pa nan papia bondad y bendicion tur caminda cu nan bay pa medio di oracion of pa medio di e evangelio di Dios.

Proverbionan 18:21 ta para skirbi: Morto y bida ta den e poder di lenga, y esnan cu stima esaki lo come su fruta.

Papia bon pa bo mira cosnan bon sosode, pero si bo ta papia cosnan negativo, murmuracion y keha constantemente, bo no ta bay ricibi locual bo ta spera. pasobra duda ta domina bo curason.

Tur hende mester esforsa nan mes y sea balente, pasobra maldad a lanta cu tur forza riba e mundo aki, y si nos no persevera, nos no ta alcanza locual Dios tin pa nos.

Mescos c'un mucha cu ta bay scol tin cu studia p'e finalisa su scol y gradua, asina nos tur tambe mester esforsa, pa alcanza cielo.

Dia pa dia defensa pa maldad ta aumenta, dia pa dia strobacion pa nos muchanan cana riba e bon caminda ta aumenta, ta na keda na nos como mayor, pa evita di tur forma pa maldad, no bira parti di educacion di nos yiu. Ta for di chikito nos mester splica e muchanan e boluntad di Dios pa nan bida, p'asina evita cu nan lo acepta un bida con cu ta.

Cristo Hesus a bisa bon cla: Y tur loke boso pidi den oracion, cu fe, boso lo ricibi (Mateo 21:22),

Atrobe mi ta bisa boso, cu si riba tera, dos di boso bay di acuerdo tocante cualkier cos cu nan pidi, esaki lo wordo haci pa nan door di Mi Tata cu ta den cielo. Pasobra caminda dos of tres ta reuni den mi nomber eynan mi ta



memey di nan (Mateo 18:19-20).

Ta solamente Dios por haci esey pa nos tur, ta solamente den nomber di Dios, nos por alcanza e cosnan cu ta den su boluntad. Pasobra Dios no ta scucha ningun oracion contrali na su boluntad.

Fe no ta un representante di maldad, pasobra fe ta bini directamente for di trono di e Altisimo.

Fe ta poderoso, Fe ta move mannan di Dios. Fe no conoce distincion di persona, fe ta funciona p'esnan cu biba y kere den Dios (Marco 16:16).

Ora nos tin fe, nos ta manifesta den silencio den oracion y ayuno, y Dios mes lo atende tur asunto, pasobra no ta cu forza, ni cu poder, pero pa medio di e spirito di Dios.

Fe ta aumenta nos sabiduria den Dios, Fe ta aparta nos for di caminda di scuridad, Fe ta duna nos e conocimiento, cu nos mester hala mas cerca Dios. Caminda placa no por alcanza Fe ta demostra nos cu Dios t'ey pa nos.

Awor aki fe ta necesario den tur cos, sin fe ta imposibel lanta un famia, sin fe ta imposibel agrada Dios. Fe den Dios ta produci sanacion y liberacion, fe den Dios ta desactiva pensamiento negativo.

Ta tempo pa declara bondad y grandesa di nos Dios pa semper.

Sinceramente, Pastor Marcel Balootje

Then shall the dust return to the earth as
it was: and the spirit shall return unto God
who gave it.

ECCLESIASTES 12:7 KJV



Oracion di Serenidad
Dios, duna mi e serenidad pa acepta e cosnan cu
mi no por cambia, curashi pa cambia e cosnan cu
mi por y sabiduria pa conoce e diferencia

Cu inmenso dolor na nos curason nos ta anuncia
fayecimento di:

Rolando R. Hoek

Mihor conoci como: "Ro" of "Grandi"
*01-08-1956 †14-05-2024

Acto di despedida lo wordo anuncia despues.



"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forza".
Salmo: 23

Nos ta anuncia fayecimento di:

Demetrio Christiaans

*22-12-1939 - †13-05-2024

Acto di entiero lo wordo anuncia despues.



Gradicimento / Invitacion

Famia Eduardo Kelly ta gradici di curason tur
famia, bisiñanan, conocirnan cu di un of otro
manera a muestra atencion, amor y cariño durante
fayecimento y despedida di nos estimado esposo,
tata, ruman, omo, primo, padrino, ex-colega,
bisiña y amigonan.

**Roberto Humberto
Eduardo**

Un danki special na Pastor Santiago, Igmar
Maduro, Faith of Hope, Cas Marizul y Aurora
Funeral Home.

Un danki na un y tur cu a tuma contacto via
telefon, mensahe personal y social media.

Alabes ta invita pa 3 santo sacrificio di misa na
Parokia Santa Ana Noord:
Diaranson, 15 di mei, 6.30pm
Diabierna, 17 di mei, 6.30pm
Dialuna, 20 di mei, 6.30pm

Bo(so) presencia lo ta altamente aprecia



Gradicimento y Invitacion

Pa medio di esaki famia kier a gradici tur esnan
cu na un manera of otro a duna nos sosten,
consuelo y forza
durante e tempo dificil cu e fayecimento y entiero
di nos defunto stima:

**Sr. Pedro Antonio
Werleman**

Mihor conoci como: Shon Pe

Boso muestra di atencion ta di hopi aprecio y
un gran sosten pa nos. Un danki na un y tur cu a
manda carchi, krans, whatsapp, email y a hasi
yamada nan telefonico.
Boso muestra di atenshon tabata un gran
consuelo pa nos.

Na mes momento nos ta invita famia, bisiña-,
amigo- y conocirnan
pa compaña nos na 2 Santo Sacrificio di Misa na
misa Sagrado Curason na Savaneta; diahuebs 16
di mei y diabierna 17 di mei pa 7 pm. Despues di
ultimo misa lo tin un santo rosario na cas; Sabana
Basora # 2-D

Boso presencia ta altamente aprecia.



"Dios ta amor... y amor ta Dios,
maske mi no ta na e mundo aki,
tur dia lo mi ta banda
di boso Curazon, mi por s
tens di loke Señor ta hasi"
Salmo 33

Cu dolor na nos curason, nos ta participa
fayecimento di nos ser stima:

Juan Nicolaas Kock

Cariñosamente yama
"Chito, Juancito y Palili"
*08-05-1959 - †07-05-2024

Na number di su

Mayornan:

† Juan & Bibiana Ivonne Kock-Martijn

Yuinan:

Evelyn Kock & Miguel Hernandez
Derwin Kock
Marilyn Kock y Jeanpierre Martinez

Nieto/a-nan:

Jardel, Jardee, Jayzienne, Jayzionne,
Shanewick, Rixanlee

Mama di su yuinan:

Greta

Rumannan:

Imelda Kock & Joon Brete
Gladys Kock
Astried & Amado Rosina
Richard Kock
Enrique Kock & Carmen
Rafael Kock
Isidora Kock & Humphrey Wiersma
Marcial Kock & Ghina Robert
Evaristo & Jessica Kock
Karina Kock

Sobrino/a nan:

Zulai, Zulma, Joontje, Giovanni, Jourdainne,
Nereyda, Jeniree, Anouschka, Raully, Brayen,
Leeyen, Margin, Marsheline, Margenine,
Marshall, Junaida. Edseree, Isaiah, Arya

Omo y Tanta nan:

Julian Kock y Famia
Rosendo Kock y Famia
Regina Metselaar y Famia
Jhonny Kock y Lucia
Adriaan & Patricia Kock y Famia
Jesus Roberto & Anna Kock y Famia
Shirley v/d Biest y Famia
Ronnie v/d Biest y Famia
Ely v/d Biest y Famia

Padrino:

Juan Curiel

Iha:

Mayra Kock y Famia Su primo/a y demas
familiares y conocirnan cu ta mucho hopi pa
menshona.

Acto di despedida lo tuma lugar na Aurora
Funeral Home **Diabierna 17 di mei 2024** di 2'or
pa 4'or di atardi. Cremashon lo tuma lugar
den seno famier

Mama stima

01-12-1977
09-05-2022
"We Love You Forever"
"Mama y Bendiccion"

Laycro

Funeral Home & Crematory

Number di bo ser keri
★ 20-01-1993
† 29-12-2023
"Mi cordillera pa wakiboli, para cu mi ta den e mundo
Otramanera di pora bishita a ligante mi amor.
"Cu mi bishita meo meo meo bishita pa mi bishita bishita"
"Mi amor"

No ta cobra extra pa letter

Servicio Rapido

Installacion

Material di Calidad

Design

Porcelana, granite of marble

6990495

www.laycro.com



Laga tur loke ta spera mi ta bunita
Laga tur locual cu mi encontra
na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Autor: Cado Wever.

Cu dolor na nos curason, nos ta participa
fayecimento di nos ser stima:

Sra. vda. Lourdes F. Mercera-Werleman

Cariñosamente yama
"Ma Lou, Tanta Lou, Udi, Lou"
*12-04-1943 - †10-05-2024

Na number di su:

Yiu: Shareen Daal y Lando Holsman
†Sharalin S. Daal

Manera yui:

Enora George
Emilio Rodríguez
Ruth Daal
Ignacia Lombert
Amarilles Lombert
Dorillia Quandt

Nietonan:

Dayron Boekhoudt y familia
Daysleen Boekhoudt

Bisanietonan:

Xander Boekhoudt
Xandrick Boekhoudt
Sarah Boekhoudt

Rumannan:

Juan Aventura Werleman y familia
Franklin Werleman y familia

Sobrina y Sobrino stima:

Cachita Rodríguez-Werleman y familia, Rudolf
Helder y familia

Tata di su yiu:

Ronald I. Daal

Su amiganan stima:

Manirma Lampe-de Vries, Clarita McBannet,
Hermilda Toussaint
Angie Dania, Clemencia Sophia, Sonia Brunk

Tur su sobrino y sobrinan, amiganan y amigonan,
ayudantenan, bisinja y conocirnan, Su
pasadianan: Daycare Cathrin, Cas Marie y Happy
Days

Famianan: Hulanda, Corsow, Sto Domingo

Famianan:

Werleman, Schaarbaai, Daal, Boekhoudt, Helder,
Fabus, Martes, Jacobs, Alphenaar. Lampe,
George, Leyba, Rijna, Odor, Richarson, Rafael,
Daniei, Sambo, de Jesus, Magdalena, Balentina,
Ursulita, Sophia, Martinus, Thomas, Chung, Adams,
Gomez, Kelly, Escudero, Vrolijk

Nos kier pidi disculpa si nos por a lubida un of otro
familia den nos tristesa

Oportunidad pa condolencia **diahuebs 16 mei** na
Aurora Funeral Home di 7:00 – 9:00 pm

Acto di entierio lo tuma lugar **diabierna 17 mei**
na misa Pro cathedral San Francisco di 9:00 – 1:00
mainta, despues pa Santana Catholica na Playa

No tin condolencia na cas ni prome of despues di
entierio



Laga Tur Loke Ta Spera Mi Ta Bunita
Laga Tur Locual Cu Mi Encontra Na Caminda Ta Bunita
Laga Tur Locual Cu Mi Laga Atras Keda Bunita Y
Laga Esakinan Termina Den Tur Buniteza.
Autor: Cado Wever.

Cu Inmenso Dolor Na Nos Curason, Nos Ta Anuncia
Fayecimento Di:

Yaraesy Marilandi De Castro

Mihor Konosi Komo: "ESY"

Na Number Di Su:

Mama: Sharine De Castro-Evertsz

Tata: Jacques De Castro

Rumannan: Indira De Castro
Jacques De Castro y Sislaine Lacle
Giancarlo De Castro
Derek De Castro y Cherriline

Prima Manera Ruman:

Dahariana Evertsz y Cesar Quejada

Wela: Melbis Evertsz Flores

Tantanen: Tahra Evertsz

Thais Evertsz
Dittiana De Castro

Tionan: Gustavo De Castro y Familia

Javier De Castro y Familia
Charles Evertsz y Familia

Subrino(a): Zahony, Aleynah, Zylon, Arjen, Elijah, Gideon,
Dayhen, Kyzion, Sielrick, Rivandrick, Delaine

Primo- y Primanan: Thamir, Shekainah, Kimorah, Tishaun,
Liam, C'neesha

Tur Sobra Primo(A)Nan Na Hulana, Venezuela,
Colombia, Curacao Y Merka.

Tio- y Tanta Grandinan: Mildred Bouwman y Familia

Adolf Medema y Familia
Gilbert Medema y Familia
Amikar Medema y Familia
Joseline Medema y Familia
Rubia Flores

Ihanan: Keanna Courtar

Kaeden Courtar
Xandre Courtar
Gideon De Castro
Aleynah

Madrinanen: Lorna Curiel

Doreen De Castro

Amistadnan di cas: Jualine y Jamal Courtar

Mariangella Geerman Odor y Familia
Roberto Jansen
Nel Twigt
Eliandra Marchena
Angeline Dirks y Familia
Lucy Villalobos y Familia
Josy Y Yiu
Yolanda Dijkhoff Y Familia
Alijay, Aden, A' Drion
Angie Vorst

Demas Amistadnan: Marisol Henderson

Damara Rasmijn
Monica Koolman
Mariella Dirks

Tur Sobra Amiga(O)nan na Curacao, Hulanda, Aruba
cu ta mucho pa menshona.
Coleganan di HoH, Verlos, Kraam y Respaldo Afdeling

Demas Famianan: De Castro, Evertsz, Medema, Lacle,
Flores, Halley, Dijkhoff

Nos diskulpa si den nos tristesa nos por a lubida algun
familia, amistad i/of konosi.

Acto di despedia lo tuma lugar na aurora funeral
home **diasabra 18 di mei 2024** di 2'or pa 4'or di atardi.
Cremashon lo tuma lugar den seno familiar Nos ta
lamentar cu despues di entierio nos no por ricibi bishita di
condolencia na cas.



Dios a tira su mirada den su jardin y a ripara cu falta un
flor y a mira cu bo tabata cansa y ela braza bo, tene bo
man pa hiba bo descansa den e jardin di roza pa bo sinti
e fragancia dushi cu e fin prepara pa bo den e paraiso
celestial pa laga bo encontra tur loke ta buniteza y keda
bunita pa tur hunto termina den tur buniteza.

Cu profundo sentimiento y inmenso dolor na nos
curason nos ta anuncia fayecimento di nos querida
Esposa, Ruman, Mama, Wela, Bisawela stima.

Sra Vuida Regina Flanegin-Willems

*15-07-1942 - †13-05-2024

Su casa den feliz memoria
Crecenciano (Chano) Flanegin.
Tata di su yui den feliz memoria
Bernadeto (Dechi) Tromp.

Na number di su:

Yiu: Janine y Danielo Croes.

Mescos yiu nan: Ruben Tromp, Sra y yiu.

Maria y Robert Vrolijk
Ludwig, Ana Maria Flanegin y familia
Alan, Richinelly Flanegin y familia
Eugene Flanegin, Marisela Maduro y familia
Suyenne, Bruce Flanegin y familia

Nieto/a nan: Jadrienne y yiu nan.

Desireen Rosel, Luigy Peña y yiu nan.
Andree Rosel, Marjorie Habibe y yiu.

Mescos nieto/a nan:

Maria Jose (Mary) Vrolijk, Romayra Vrolijk, Michael Vrolijk
y Michaeline Vrolijk.

Rumannan: Cornelia Maduro y Familia.

Yuyu, Hendrik Croes y Familia.
Carmen, Lucindo Dabian y Familia.
Sita Roos y Familia.
†Francisco Willems y Familia.
†Vicente Willems y Familia.
†Victoriano Willems y Familia.
†Florencio Willems y Familia.

Swa y Cuña nan:

†Bertha y Godfried Yarzagaray Flanegin y yiu nan.
Victoriano (Buchi) y †Libia Flanegin Willems y yiu nan.
Rudolfo (Rufo) y Mathilde Flanegin y yiu nan.
†Estebanita (Chichi) y †Camilo Henriquez Flanegin y yiu
nan.
†Digna (Deta) Flanegin y yiu nan.
Jesusita (Sita) Flanegin y yiu y demas familia.
Anthony (John) Flanegin.
Francis (Fenchi) y Jacqueline Flanegin Schoneherr y
Familia.
Mireya y Leonte Amaya Flanegin y yiu nan.

Sobrino/a nan: † Milda Maduro, † Franklyn Maduro,
† Robby Maduro, Maikel Maduro, Judith Tromp, Ricky
Maduro, Mildenny Croes, Hendrik Jesus Croes, Judelly
Zavalla, Ludwin Dabian, Aldrin Roos, Aymar Roos,
Amelaine Roos, Francisco Jr Willems, Mariska Celestina,
Stuart Willems, Jozef Willems, Vincent Willems, Noraima
Willems.

Bisanieto/a nan: Mayron, Dayron, Tyrone, Dayrenne, Jay-
nah, Tyrenne, Jaydylenne, Cay-Yenne.

Demas Familia nan: Willems, Flanegin, Tromp, Croes,
Rosel, Maduro, Dabian, Roos, Goitia Partida, Vrolijk,
Peña, Habibe, Celestina, Zavalla, Servud, Kock, Trimon,
Robert, Wever, Albertsz, Restrepo, Vaca, Ruiz, Franken,
Comenencia, Bernabela, Lofestop, Donata, Wester,
Holsman, Erasmus, Bomba, Cordero Puyosa, Garcia,
Amaya, Navas, Schoneherr, Yarzagaray, Henriquez, Roga.,
Julia

Nos disculpa si nos por a lubida un familia den nos tristesa.

Ta invita demas familia, amigo(a)nan y conocirnan pa
asisti na e acto di entierio cual lo tuma lugar **Diabierna 17
di mei 2024** di 2or pa 4or di atardi na misa Inmaculada
Concepcion na Santa Cruz. A lo sali pa santana catolico
di Santa Cruz.

Nos ta lamenta cu despues di entierio nos no ta ricibi
bishita di condolencia na cas



"Señor ta mi wardador, mi'n tin falta di nada
Den cunucu di yerba berde
e ta ponemi sosega.
E ta hibami na awa frankil,
Pa mi bolbe haña forsa".
Salmo: 23

Cu hopi tristesa pero conforme cu boluntad
di Dios nos ta anuncia cu a bay laga nos den
brasa di Señor

Sarita Filomena Croes

yiú di Isaias (Charlie) Croes &
Juanita Thiel-Croes
*11-08-1941 - †11-05-2024

Yiunan:
Annet Maduro
†Haime Maduro

Nieto(a)nan:
Joann Simon & Aldrin Maduro
Paul Simon & Loraine Balentina
Chaerelle Simon
Jazzy Simon
Vera Maria & Rodney Tromp

Bisanieto(a)nan:
Jayden & Elaine Maduro
Aaliyah, Lindcey & Caitlyn Simon
Hailey Tomassen
Veyron & Veyronish Tromp

Ruman:
Romana (Sira) Croes
Adisson (Eddy) Croes

Subrino(a)nan:
Mariella Dirks-Simon, John Dirks, Nell Dirks,
Roli Croes, Anthony Croes, Shareen Croes
Astrid Petrochi
Michael Croes, Sidney Croes, Nathalie Croes
Delio Lacle, Anthony Lacle, Joselito Lacle
Bryan Croes

Cuñanan:
Clara Wester, Lima Yarzagaray & Rosalda
Lopez-Croes

Yiunan sin dolor:
Elmer, Magaly & Mercedes

Amiganan:
Miranda, Irena, Sharise, Sara, Rona, Mely,
Marcela, Eddy Martha

Demas famia:
Croes, Maduro, Thiel, Briesen, de Mey, Dirks,
Trimon, Lopez, Rozenberg, Boekhoud, Kock,
Leo, Yarzagaray, Simon, Tomassen, Lacle

Danki special pa Cas di Machi cu a cuida mi
mama en especial Cristina, su yiunan, Lady &
Luz.

Ta invita pa acto di entierro l despedida cu lo
tuma lugar diasabra dia **18-05-2024** na Aurora
Funeral Home di 9:00 di mainta pa 12:00 di
merdia. Y despues lo sali bai pa santana
central na Sabana Basora.

Despues di entierro no ta ricibi bishiti di
condolencia na cas.

Nos disculpa si den nos tristesa nos por a lubida
cualquier persona.



"Langzaam ben je van ons weggeleden, elke
dag een beetje meer. Telkens werd je weer iets
ontnomen, de sterke vrouw van vroeger was je
niet meer. Het is een stille pijn, dat je nooit meer
bij ons zult zijn"

Met pijn in ons hart delen wij u mede dat
onze lieve vrouw, moeder, grootmoeder,
overgrootmoeder en betovergrootmoeder op
89 jarige leeftijd is overleden

Estebanita
Reyes-Koeiman

*2 november 1934 - †7 mei 2024

Na number di su:
Casa:
Alex Carlos Reyes

Yiunan:
Jolanda Monsanto y yiunan
Irma y Henri Bouw-Monsanto y yiunan
Rita Monsanto y yiunan
Juan Monsanto y yiunan
Rosita y Rob Majoor-Monsanto y yiunan
Martis y Lenneke Monsanto-Saraber
Robert Monsanto y Astrid y yiunan
Sheyla y Jurjen van der Honing-Monsanto

Rumannan:
†Ramon Koeiman y famia
†Ricardo Koeiman y famia
†Lucita Koeiman y famia
Mario Koeiman y famia
†Venderanda Braafhart y famia
†Angel Koeiman y famia

Nieto(a)nan:
Armando, Raul, Zulay, Jahaira, Janice, Ileana,
Shady, Thalita, Eumir, Jeremy, Andrea, Urwin,
Danny, †Jessica, Dwight, Dwayen, Dwayne,
Tyrone, Tyrine, Terick, Jayden, Sharon

Bisanieto(a)nan:
Sharrellynne, Jorien, Kelvin, Joas, Roy, Kirsten,
Ian, Erin, Brennan, Jamairo, Jayden, Jaylinn,
Kiyana, Kayla, Kiyela, Kayden, Lara, Mano,
Dante

Tataranieto(a)nan:
Elin, Moud, Juda.

**Demas famianan Hulanda, Aruba, Curaçao y
Venezuela:**
Koeiman, Reyes, Monsanto, Monsanto, van
der Honing, Bouw, Majoor, Valdez, Saraber,
Kock, Braafhart, Sijbesma, Bruens, Kelkboom,
Monte, Calmes, Francisca, Toppenberg, Enser,
Whitfield, Sneek, Dirks, Roga, Dania, van der
Linde, Ziel, Schaap, Mars, Brands, Broekhof,
Williams, Brooks, Dubero

Condolencia lo tuma lugar na Aurora Funeral
Home **dianan 15 di mei 2024** di 7'or pa 9'or
di anochi.

Despedida lo tuma lugar na Aurora Funeral
Home **diahuebs 16 di mei 2024** di 2'or pa 4'or
di atardi. Cremacion lo tuma lugar despues de
seno familiar.

Despues di despedida nos no ta ricibi bishita di
condolencia na cas.

Nos disculpa si den nos tristesa nos por a lubida
algun famia of conocir.



"Mi tin Dios pa wardador pues mi no tin falta di nada.
Den cunucu di yerba berde e ta pone mi sosega.
E ta hiba mi na awa frankil, pa mi bolbe haya forza"

Cu dolor na nos curazon, nos ta participa fayecimento di
nos esposo, tata, welo, omo , ruman:

Sr. Jose Maria Heronimo

Mihor conoci como "Jossy Gangster"
*09-10-1951 +10-05-2024

Na number di su :
Esposa:
Sra. Lourdes J. Heronimo Gomez

Mayornan:
† Ana Maria Briesen
† Lorenz Ridderstap
Melecio Briesen (stiefvader)

Yiunan:
Joselito Heronimo
Marina Heronimo
† Franky Heronimo
Josmar Heronimo
Jose Heronimo & Iza Janga
Jermain Heronimo
Jaymir Heronimo

Ex exposa:
Sra. Ofelia Dirksz

Manera un suegro:
Olindo Thiel y famia

Nieto (a)nan:
Khloë, Josieny, Ivan, Marajah, Maelyh, Shandrick,
Joyceline, Jaymison, Kevin, Jay, Josue, Joziah

Rumannan:
Amanda (Didi) & Benito Croes & famia
Dorothea (Dooy) & Dino Growell & famia
Lodrigo (Ludi) Briesen & Evelyn Henriquez & famia
Edwin (Tico) Briesen & Miriam Tromp & famia
Rudolf Ridderstap & famia
Antonio Ridderstap & famia na Hulanda
Nemencia Ridderstap & famia
Rufina Ridderstap & famia na Hulanda
Mario Rldderstap & famia

Sua y cuñanan:
Shelly & Leo Vrolijk & famia
Caroline Hernandez & famia
Daisy Krosendijk & yiunan
Nelson Gomez & famia
Monique Gomez y yiu
Lucia Gomez & yiunan
Alexander Thiel & famia
Lilian Werleman & famia

Ihanan:
Adamelis Arscanio, Denise de Cuba

Comadre & compadrenan:
Sharon, Gina Loefstok, Lienchi Kelly, Annie Ridderstaat,
Fefe Winterdaal, Tico Briesen, Vlademir Arscanio,
Monique Gomez, Evelyn Henriquez, Magaly Zievinger,
Francella Jacobs, Jolaine Briezen, Dino Growell

Amigonan di cas:
Fefe Winterdaal, Ivo Vrolijk, Bal Delany, Nel Dirksz, Edwin
Thiel,, Benjamin Petrochi, Gilbert Leyba

Primo y primanan, sobrino y sobrinanan, bisiñanan

Demas famianan:
Heronimo, Briesen, Ridderstap, Gomez, Thiel, Werleman,
Growell, Krosendijk, Vrolijk, Hernandez, Janga, Everon,
Villanueva, Ras, Geerman, Esteba, de Cuba, Farro,
Pinedo, Dirksz

Nos disculpa si nos por a lubida un famia den nos tristeza

Condolencia lo tuma lugar dia **Dianan, 15 di Mei 2024**
na Royal Funeral Home di 7or pa 9or.

Acto di despedida lo tuma lugar **Diahuebs, 16 di Mei
2024** ma Royal funeral home di di 2or pa 4or , y despues
lo tin cremashon den seno familiar.

No lo bai ricibi bishita na cas despues di cremashon.



AWEMainta

Scan nos QR code y bira abonado di AWEMainta

Completamente GRATIS

1: Usando bo camera di telefon,
scan nos QR code na banda.

2. Bay riba "Show Options",
"Open in browser".

3. Yena e formulario.

**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



info@awemainta.com
noticia@awemainta.com
aviso@awemainta.com